


D8  
735  
A2Y86  
1771a  
V. 31 -









御批歷代通鑑輯覽卷之六十一

唐

文宗皇帝

丁未太和元年夏四月韋處厚請避位不許。

虛懷聽納而不能堅決不特築室無成亦且小人得以生計此失策之大者也

上雖虛懷聽納而不能堅決與宰相議事已定尋復中變韋處厚于延英極論之因請避位上再三慰勞之。

以高瑀

冀州人

為忠武

貞元十年以陳許節度為忠武軍

節度使。

自大歷以來節度使多出禁軍大將皆以倍稱之息貸

錢以賂中尉動踰億萬然後得之未嘗由執政至鎮則

重斂以償所負及是忠武帥王沛

許昌人

卒裴度韋處厚

始奏用高瑀中外相賀曰自今債帥鮮矣。



六月以王播同平章事。

播入朝。力圖大用。所獻銀器以千計。綾絹以十萬計。遂得宰相。

秋七月。葬莊陵。在西安府三原縣西北。

八月。兖海節度使李同捷叛。詔削其官爵。發諸道兵討之。

初。橫海節度使李全畧。本王日簡。賜姓名。卒。其子同捷擅領留

後。朝廷經歲不問。全畧卒于寶曆二年三月。敬宗持詔不下。及上即位。同捷

冀易世之後。或加恩貸。遣使奉表。請遵朝旨。乃移同捷

鎮兖海。朝廷猶慮河南北諸鎮搆扇。已而同捷託為將

士所留。不受詔。詔削官爵。命烏重允。王智興等。各帥本

軍討之。同捷遣其子弟。以珍玩女妓賂河南北諸鎮。李載義執其姪。并所賂獻之。史憲誠與全畧為婚。獨



以資財助同捷。裴度不之知。以憲誠為無二心。會憲誠遣使至中書請事。韋處厚謂曰。晉公于上前。以百口保汝。使處厚則不然。但仰俟所為。自有朝典耳。憲誠懼。不敢復與同捷。通時烏重允屢破同捷兵。王智興亦奏拔棣州。會重允卒。以李寰代之。寰所過殘暴。至則擁兵不進。但坐索供饋。詔改寰夏綏。以李祐為橫海節度使。

戊申

二年春三月親策制舉人

自元和之末。宦官益橫。建置天子。在其掌握。威權出人

主之右。人莫敢言。賢良方正劉蕡

字去華。昌平人。

對策極言其

禍。畧曰。陛下宜先憂者。官闈將變。社稷將危。天下將傾。禍海內將亂。又曰。陛下將杜篡弑之漸。則居正位而近

正人。遠刀鋸之賤。親骨鯁之直。輔相得以專其任。庶職得以守其官。奈何以褻近五六人。總天下之政。禍稔蕭

牆。姦生帷幄。臣恐曹節侯覽復生于今日。又曰。忠賢無腹心之寄。聞寺持廢立之權。陷先君不得正其終。致陛下

下不得正其始。又曰。威柄陵夷。藩臣跋扈。或有不達人臣之節。首亂者。以安君為名。不究春秋之微。稱兵者。以

逐惡為義。則政刑不由乎天子。征伐必自于諸侯。又曰。陛下何不塞陰邪之路。屏褻狎之臣。制侵陵迫脅之心。



復門戶掃除之役。戒其所宜戒。憂其所宜憂。既不能治  
于前。當治于後。既不能正其始。當正其終。則可以虔奉  
典謨。克承丕構矣。昔秦之亡也。失于彊暴。漢之亡也。失  
于微弱。彊暴則賊臣畏死而害上。微弱則姦臣竊權而  
震主。伏見敬宗皇帝。不虞亡秦之禍。不剪其萌。伏惟陛  
下。深軫亡漢之憂。以杜其漸。又曰。臣聞昔漢元帝。卽位  
之初。更制七十餘事。其心甚誠。其稱甚美。然而綱紀日  
紊。國祚日衰。姦宄日彊。黎元日困。者。以其不能擇賢明  
而任之。失其操柄也。又曰。陛下誠能揭國權以歸相。持  
兵柄以歸將。則心無不達。行無不孚矣。又曰。法宜畫一。  
官宜正名。今分外官中官之員。立南司北司之局。或犯  
禁于南。則亡命于北。或正刑于外。則破律于中。法出多  
門。人無所措。實由兵農勢異。而中外法殊也。又曰。今夏  
官不知兵籍。六軍不主兵事。軍容合中官之政。戎律附  
內臣之職。首一戴武弁。疾文吏如仇讐。足已蹈軍門。視  
農夫如草芥。謀不足以剪除兇逆。而詐足以抑揚威福。  
勇不足以鎮衛社稷。而暴足以侵軼里閭。羈縻藩臣。下  
臨宰輔。隳裂王度。汨亂朝經。張武夫之威。上以制君父。  
假天子之命。下以御英豪。有藏姦觀釁之心。無仗節死  
難之義。豈先王經文緯武之旨邪。又曰。臣非不知言發  
而禍應。計行而身戮。蓋痛社稷之危。哀生人之困。豈忍姑息時忌。竊陛下  
一命之寵哉。

考官散騎



考官既歎賞蕢策乃以指斥宦官擯棄弗錄衡鑑之公安在諫官又復為執政所抑鉗口不言紀綱於是掃地矣

常侍馮宿字拱之潯陽人等見蕢策皆嘆服而畏宦官不敢

取裴休

字公美濟源人

李邵

字子元道州延唐人

杜牧

字牧之崔慎由字

敬止融等二十二人中第皆除官物論囂然稱屈諫官御

史欲論奏執政抑之李邵曰劉蕢下第我輩登科能無

厚顏乃上疏曰蕢所對策漢魏以來無與為比今有司

以蕢指切左右不敢以聞恐忠良道窮綱紀遂滅况臣

所對不及蕢遠甚乞回臣所授以旌蕢直不報蕢由是

不得仕于朝終于使府

節度幕府御史

秋九月詔削王庭湊官爵命諸軍討之

庭湊陰以兵助李回捷乃下詔罪狀庭湊削官爵命諸

軍四面討之

時同謀軍勢日蹙庭湊不能救乃遣人說魏博大將開志紹使殺史憲誠父子取魏



博志紹遂作亂。引所部兵二萬人。還逼魏州。義成節度使李聽討破之。志紹奔鎮州。開帝幸舊書作元音其皆姓也。未知孰是。

冬十二月。中書侍郎同平章事韋處厚卒。

以路隋同平章事。

隋言于上曰。宰相任重。不宜兼金穀瑣碎之務。如楊國

忠。元載。皇甫鎛。皆姦臣所爲。不足法也。上以爲然。于是

裴度辭度支。上許之。

配三年春二月。橫海節度使李祐帥諸道兵擊李同捷。破

之。夏四月。同捷降。滄景平。

李祐帥諸道兵擊李同捷。破德州。同捷請降。祐遣大將

萬洪守滄州。宣慰使栢耆疑同捷之詐。自將數百騎馳

宰相敘百揆其職固無所不統自漢晉以來兩言大言燮理謝安自命爲流於是不親案吏不視細事各尊相體實隨官常路隋此言所謂知其一未知其二至楊國忠輩擅權通賄由於委任非人以彼貪愴性成當日卽不兼瑣務其能盡匡弼之職乎

栢耆雖不免急功然以諸道攻三年不能得之賊一



且誅之其功固可抵過也  
乃以李旌之死遂令自盡  
何以勵用命之士哉

入滄州。以事誅洪。取同捷詣京師。或言王庭湊欲以奇  
兵篡之。耆斬同捷傳其首。諸道兵攻同捷三年。僅能下  
之。而耆取爲己功。諸將疾之。爭上表論。貶耆爲循州司  
戶。初。祐病。聞耆殺洪。大驚。遂劇。上曰。祐若死。是耆殺之  
也。祐尋卒。賜耆自盡。

六月。魏州軍亂。殺其節度使史憲誠。推何進滔。靈武人。知留  
後。以拒命。秋八月。以進滔爲魏博節度使。

初。憲誠聞滄景將平而懼。使其子唐

字得仁。後更名孝章。

奉表請

入朝。且以所管聽命。詔徙憲誠鎮河中。而以李聽鎮魏  
博。憲誠竭府庫以治行。將士怒。殺憲誠。奉兵馬使何進  
滔知留後。聽至魏州。不得入。七月。進滔出兵擊聽。走之。



時河北久用兵。饋運不給。八月。遂以進滔爲節度使。

以殷侑

陳州人。

爲齊德滄景節度使。

是年始以齊州隸橫海。

滄州乘喪亂之餘。骸骨蔽地。戶口存者十無三四。侑至鎮。與士卒同甘苦。招撫流散。勸之耕桑。三年之後。戶口滋殖。倉廩充盈。

赦王庭湊。復其官爵。

庭湊因鄰道微露請服之意。遂赦之。

以李宗閔同平章事。

徵李德裕爲兵部侍郎。裴度薦以爲相。會宗閔有宦官之助。遂以宗閔同平章事。宗閔惡德裕逼已。出之滑州。九月。命宦官毋得衣紗縠綾羅。



元穎暗事召蠻誠不足惜  
然蠻人已襲陷諸州而不  
聲其內犯之罪乃因表誅  
節帥為之汲汲貶逐措置  
若此河北賊尚可去哉

上性儉素聽朝之服惟以書史自娛聲樂遊畋未嘗留  
意駙馬韋處仁著夾羅巾上謂曰朕慕卿門地清素故  
有選尚如此巾服聽其他貴戚為之卿不須爾

冬十一月禁獻奇巧及織織麗布帛

南詔寇成都入其郛

西川節度使杜元穎以文雅自高不曉軍事減削士卒  
衣糧戍卒皆入蠻境鈔盜自給蠻人反以衣食資之由

是蜀中虛實動靜蠻皆知之南詔嵯巔遂謀入寇初南詔勸

龍晟淫虐不道弄棟節度使嵯巔殺之立其弟勸利勸利

利死立其弟豐祐豐祐越敢善用其下會杜元穎為治  
無狀嵯巔遂謀入寇勸龍晟異牟尋之孫弄

棟漢縣南詔于此置府今日姚州為姚安府治以蜀卒  
為鄉導襲陷嵩戎州戎州唐置今四川叙州府是餘注俱見前詔發近鎮



兵救之。嵯巔自引兵徑抵成都。陷其外郭。大掠子女百

工數萬人。及珍貨而去。

嵯巔遣使上表曰。杜元穎不恤

誅之不遂。無以慰蜀士之心。願

陛下誅之。詔貶元穎循州司馬。

庚戌四年春正月。以牛僧孺同平章事。

李宗閔引僧孺爲相。相與排擯李德裕之黨。稍稍逐之。

二月。興元軍亂。殺節度使李絳。三月。以溫造爲山南西道

節度使。討平之。

南詔之寇成都也。詔山南西道發兵救之。節度使李絳

募兵千人赴之。蠻退而還。詔悉罷之。絳召新軍諭旨。賜

以廩麥而遣之。皆怏怏而退。監軍楊叔元素惡絳不奉

已。以賜物薄激之。衆怒。大譟。掠庫兵趨使牙。絳方宴。走



登北城。或勸絳縋而出。絳曰。吾爲元帥。豈可逃去。麾推官趙存約令去。存約曰。存約受明公知。何可苟免。牙將王景延戰死。絳存約等皆遇害。叔元奏絳收新軍募直。以致亂。三省官上疏。共論絳寬。及叔元激怒亂軍之罪。上始悟。以溫造爲山南西道節度使。討亂兵。造行至褒城。遇興元都將衛志忠。征蠻歸。密與之謀。以其兵八百人爲牙隊。五百人爲前軍。入府分守諸門。旣視事。饗士卒。志忠密以牙兵圍新軍。殺之。八百人皆死。楊叔元起擁造靴求生。造命囚之。詔流康州。唐置。今肇慶府德慶州是。

以柳公綽爲河東節度使。

陜北沙陀。

沙陀保神武川。在陜嶺之北。

素驍勇。爲九姓六州胡所畏。



伏公綽至鎮。奏以其酋長朱邪執宜爲陰山都督。使居雲朔塞下。捍禦北邊。執宜入謁。神彩嚴整。進退有禮。公綽謂僚佐曰。執宜外嚴而內寬。言徐而理當。福祿人也。使夫人與其母妻飲酒。饋遺之。執宜感恩。爲之盡力。自是虜不敢犯塞。

夏六月。以裴度爲司徒平章軍國重事。

度以老疾辭位。故有是命。仍詔三五日一入中書。

秋七月。以宋申錫

字慶臣。史不詳何所人。

同平章事。

上患宦官彊盛。元和寶歷。逆黨猶在。而中尉王守澄尤專橫。嘗密與申錫言之。申錫請漸除其偏。上以申錫沈厚忠謹。可倚以事。擢爲宰相。

九月。以裴度爲山南東道節度使。

初。裴度征淮西。奏李宗閔爲判官。由是漸獲進用。至是。



德裕在蜀治績實由杜黃裳之見事不可破是以壁畫廳中機宜而舉措動多隔閡况宗閔僧孺輩乎於此見黨人之禍人家國可為深歎

宗閔怨度薦李德裕因其謝病出之

冬十月以李德裕為西川節度使

蜀自南詔入寇一方殘弊德裕至鎮作籌邊樓圖蜀地形南入南詔西達吐蕃日召老于軍旅習邊事者訪以山川城邑道路險易廣狹遠近未踰月皆若身嘗涉歷

上命德裕修塞清溪關

在今雅州府清溪縣南

以斷南詔入寇之路

德裕上言通蠻細路至多不可塞惟重兵鎮守可保

無虞

時北兵皆歸本道惟河中陳許三千人在成都詔來年亦歸蜀人憚懼德裕奏乞鄭滑五百人陳

許千人以鎮蜀且言蜀兵脆弱新為蠻寇所困皆破膽不堪征戍若北兵盡歸則與杜元穎時無異朝臣建言罷兵蓋由禍不在身望人責一狀留入堂案他日敗事不可令臣獨當國憲朝廷皆從其請德裕乃練士卒其堡鄣積糧儲以備邊蜀人粗安



辛亥五年春正月。盧龍將楊志誠逐其節度使李載義。二月。以志誠爲留後。

上聞志誠作亂。召宰相謀之。牛僧孺曰。范陽自安史以來。非國所有。劉總暫獻其地。朝廷費錢八十萬緡。而無絲毫所獲。今日志誠得之。猶前日載義得之也。因而撫之。使捍北狄。不必計其逆順。上從之。以載義恭順有功。拜太保。以志誠爲留後。

三月。貶漳王湊。

帝之弟。

爲巢縣公。宋申錫爲開州司馬。

上與申錫謀誅宦官。申錫引王璠。

字晉玉。元和初進士。

爲京兆尹。

申錫引用王璠。不密。害成。固皆自貽伊戚。特是文宗既與謀誅宦。方且寄以腹心。乃反間一行。遂墮其術而不悟。甚矣其憤懣也。

以密旨諭之。璠泄其謀。王守澄。鄭注。知之。使人誣告申錫。謀立漳王。上以爲信然。甚怒。守澄欲遣騎屠申錫家。



飛龍使馬存亮固爭曰。如此則京城自亂矣。守澄乃止。

上命捕所告品官晏敬則等。于禁中鞠之。皆自誣服。獄

成。左常侍崔元亮。字晦叔。磁州昭義人。給事中李固言。字仲樞。趙人。諫

議大夫王質。字華卿。通五世孫。補闕盧鈞。字子和。藍田人。等。請以獄事

付外覆按。上曰。吾已與大臣議之矣。元亮叩頭流涕曰。

殺一匹夫。猶不可不慎重。况宰相乎。上意稍解。復召宰

相入議。牛僧孺曰。人臣不過宰相。申錫復欲何求。且申

錫殆不至此。注恐覆按詐覺。乃勸守澄請止行貶黜。存

亮即日致仕。坐死徙者數十百人。申錫竟卒于貶所。開成初。詔復官爵。

秋八月。以崔郾為鄂岳觀察使。

鄂岳多盜。剽行舟。郾訓卒治兵。作蒙衝。戰船也。追討悉誅



之初。鄖在陝。以寬仁爲治。或經月不答一人。及至鄂。嚴峻刑罰。或問其故。鄖曰。陝土瘠民貧。吾撫之不暇。尚恐其驚。鄂地險民雜。慄狡爲姦。非用威刑。不能致治。政貴知變。蓋謂此也。

九月。吐蕃將悉怛謀以維州

注見前。來降。

吐蕃維州副使悉怛謀請降。盡帥其衆奔成都。李德裕遣兵據其城。

維州城本姜維故。在高碛山上。

具奏其狀。事下尚書省。

集百官議。皆請如德裕策。牛僧孺曰。吐蕃之境。四面各

萬里。失一維州。未能損其勢。比來修好。約罷戍兵。中國

禦戎守信爲上。彼若來責失信。養馬蔚茹川。

亦曰葫蘆河。出今固

原州西南。北流至寧夏府入黃河。元和志。蔚茹水在蕭關縣西。一名葫蘆河。

上下京阪萬騎。



綴回中。怒氣直辭。不三日至咸陽橋。此時西南數千里外。得百維州。何所用之。上以爲然。詔德裕以其城及悉怛謀悉歸之吐蕃。吐蕃誅之于境上。極其慘酷。德裕由是怨僧孺益深。

尹起莘發明曰。維州之降。司馬氏光既是僧孺。而胡正寅又復非之。此如認牒紛拏孰從而折衷邪。夫維州之害。之故壤。吐蕃盜而有之。幸而德裕展布方畧。悉怛謀雲衆來降。固非其他招納叛降之比。胡乃拒而不納。萬一河湟故土。盡復版圖。亦將却而絕之乎。審此。則牛李之是非決矣。

子王六年春正月。羣臣上尊號。不受。

右補闕韋溫

字弘育。貫之子。兄綬之子。

言。今水旱爲災。恐非崇飾。

稱之時。上善之。辭不受。

冬十月。立魯王永

帝長子。

爲太子。



十二月牛僧孺罷。

西川監軍王踐言入知樞密。數爲上言。縛送悉怛謀以快虜心。絕降者。非計也。上亦悔之。尤僧孺失策。僧孺內不自安。會上謂宰相曰。天下何時當太平。卿等亦有意于此乎。僧孺對曰。太平無象。今四夷不至交侵。百姓不至流散。雖非至理。亦謂小康。陛下若別求太平。非臣所及。退謂左右曰。主上責望如此。吾曹豈得久居此地乎。因累表請罷。乃出爲淮南節度使。

昭義節度使劉從諫入朝。

以李德裕爲兵部尚書。

初李宗閔與德裕有隙。及德裕還自西川。上注意甚厚。

杜悰欲用二官。羈縻德裕。此特爲宗閔畫策平憾耳。



德裕曰。朝夕可望入相。豈特以知舉與御史大夫爲重哉。蓋德裕之意。以爲宗閔謀主。故爲驚喜。寄謝。冀緩其傾陷之計。史家乃謂德裕實艷科第。清華何異癡人說夢。然德裕之機詐實亦可鄙矣。

朝夕且爲相。宗閔百方沮之不能。深以爲憂。京兆尹杜悰謂曰。德裕有文學。而不由科第。常用此爲慊慊。若使之知舉。則可以平宿憾矣。宗閔曰。更思其次。悰曰。不則用爲御史大夫。宗閔曰。可矣。悰乃詣德裕告之。德裕驚喜泣下。寄謝重沓。宗閔復與給事中楊虞卿謀之。事遂中止。

癸丑七年春正月。加劉從諫同平章事。遣歸鎮。

初。從諫以忠義自任。入朝。欲請他鎮。旣至。見朝廷事柄不一。心輕朝廷。故歸而益驕。

二月。以李德裕同平章事。

德裕入朝。上與之論朋黨事。時給事中楊虞卿與從兄



書稱威克愛克固行師不  
易之論而推之控馭外夷  
益尤宜觀載義以二卒守  
門回鶻即不敢犯令其勝  
嚴兵防衛遠矣無識者約  
束所過州縣逢迎供頓惟  
恐傷之損望長驕何足以  
言治體

中書舍人汝士

字慕巢

等善交結依附權要上聞而惡之

故與德裕言首及之德裕因得以排其所不悅者他日  
又復言及朋黨李宗閔曰臣素知之故虞卿輩臣皆不  
與美官李德裕曰給舍非美官而何宗閔失色

夏六月以李載義爲河東節度使

先是回鶻每入貢所過暴掠州縣不敢詰但嚴兵防衛  
而已載義至鎮回鶻使者李暢入貢載義謂之曰可汗  
遣將軍入貢修好非遣將軍陵踐上國也將軍不戢部  
曲使之侵盜載義亦得殺之勿謂中國之法可忽也于  
是悉罷防衛兵但使二卒守其門暢長服不敢犯令

以鄭覃

珣瑜子

爲御史大夫



初李宗閔惡覃在禁中數言事奏罷其侍講上從容謂宰相曰殷侑經術頗似鄭覃宗閔對曰覃侑經術皆可尚然論議不足聽李德裕曰覃侑議論他人不欲聞惟陛下欲聞之幸甚後旬日宣出不出宰相進擬從中宣出除覃御史大夫宗閔謂樞密使崔潭峻曰事皆宣出安用中書潭峻曰八年天子聽其自行事亦可矣宗閔慄然而止未幾

宗閔罷為山南東道節度使

秋七月以王涯同平章事兼度支鹽鐵轉運使

八月詔諸王出閣停進士試詩賦

上患近世文士不通經術李德裕請依楊綰議罷詩賦又言昔元宗以臨淄王定內難疑忌宗室不令出閣議



者以爲幽閉骨肉。虧損人倫。天寶之末。建中之初。所以  
悉爲安祿山。朱泚所魚肉者。由聚于一宮故也。陛下誠  
能聽其年高屬疎者出閤。又除諸州上佐。使携其男女。  
出外婚嫁。此則百年弊法。一旦去之。海內孰不欣悅。上  
曰。茲事朕久知其不可。今諸王豈無賢才。無所施耳。子  
是下詔并停詩賦。然諸王出閤。竟以議所除官不決而  
罷。既而德裕罷相。進士復試詩賦。

加盧龍節度使楊志誠右僕射。

初以志誠爲吏部尚書。志誠怒不得僕射。留官告使朝

廷不得已。加志誠僕射。別遣使慰諭之。

杜牧憤河朔三鎮之桀驁而朝

廷議者。專事姑息。乃作書名罪言。大畧以爲。上策莫如  
先自治。中策莫如取魏。最下策爲浪戰。不計地勢。不審



攻守是也。又傷府兵廢壞。作原十六衛。畧曰。貞觀中。內以十六衛蓄養戎臣。外開折衝果毅府五百七十四。以儲兵伍。有事則戎臣提兵居外。無事則放兵居內。其居內也。所部之兵散舍諸府。三時耕稼。一時治武。籍藏將府。伍散田畝。力解勢破。人人自愛。其居外也。緣部之兵被檄乃來。斧鉞在前。爵賞在後。驍暴交捋。豈暇異圖。自開元末。愚儒請罷府兵。武夫請搏四夷。于是府兵內剗邊兵。外作尾大。中乾而天下掀然。根萌熾然矣。蓋兵居外則叛。居內則篡。使外不叛。內不篡。其置府立衛乎。又作戰論。以爲河北視天下。猶珠璣也。天下視河北。猶四支也。河北氣俗渾厚。果于戰耕。加以土息健馬。便于馳敵。是以出則勝。處則饒。不窺天下之產。自可封殖。亦猶大農之家。不待珠璣。然後以爲富也。國家無河北。則精甲銳卒。良弓健馬。無有也。河東。盟津。滑臺。大梁。彭城。東平。盡宿厚兵。不可他使。六鎮之師。低首仰給。咸陽西北。戎夷大屯。赤地盡取。纔能應費。是猶四支盡解。頭腹元然。其能以是久爲安乎。誠能治其五敗。則一戰可定。四支可生。戰士離落。兵甲鈍弊。是不蒐練之過。其敗一也。百人荷戈。千夫仰食。此不責實之過。其敗二也。小勝則張皇邀賞。貴極富溢。則不肯搜奇出死。此厚賞之過。其敗三也。多喪兵士。顛翻大都。跳身而來。刺邦而去。回視刀鋸。氣色甚安。此輕罰之過。其敗四也。大將兵柄。不得



自專恩臣敕使送來揮之。此不專任之過。其敗五也。今誠欲調持干戈。灑掃垢汙。以爲萬世安。而乃踵前非。是不可爲也。又作守論。以爲今之議者。皆曰。偏強之徒。吾以良將勁兵爲銜策。高位美爵。充飽其腸。安而不撓。外而不拘。亦猶豢擾虎狼。而不拂其心。則忿氣不萌。此大歷貞元所以守邦也。亦何必疾戰焚煎。吾民然後以爲快也。愚曰。生人油然多欲。欲而不得。則爭亂隨之。是以教咎于家。刑罰于國。征伐于天下。此所以裁其欲而塞其爭也。大歷貞元之間。盡反此道。提區區之有。而塞無涯之爭。是以首尾指支。幾不能相運掉也。不知非此。而反用以爲經。愚見爲盜者。非正于河北而已。又注孫子爲之序曰。兵者。刑也。刑者。政事也。不知自何代分爲二道。縉紳之士。不敢言兵。豈知自古主兵者。必聖賢才能多聞博識之士。乃能有功。議于廊廟之上。兵形已成。然後付之于將耳。彼爲相者。安得曰。兵非吾事。吾不當知哉。跳身謂逃至京師也。刺邦謂貶爲刺史也。

九月以鄭注爲右神策判官

注依倚王守澄權勢燠灼。上深惡之。侍御史李欵

字言源長

慶初進士閣內奏彈注請付法司。旬日之間。章數十上。守澄



匿注于右軍。左軍中尉韋元素惡注。軍將李弘楚說元素召而殺之。因見上請罪。元素從之。注至。螻屈鼠伏。佞辭泉湧。元素不覺執手欵曲。以金帛厚遺。面遣之。弘楚怒。解職去。王涯爲相。注有功焉。且畏王守澄。遂寢李欵之奏。守澄言注于上而釋之。尋奏爲侍御史。充右神策判官。朝野駭歎。後注守太僕卿兼御史大夫舉欵自代。日加臣之罪。雖于理而無辜。在欵之誠。乃事君而盡節。人皆哂之。

冬十二月。羣臣上尊號。不受。

羣臣上尊號。會中使薛季稜自同華還。言閭閻彫弊。上歎曰。關中小稔。百姓尚爾。况江淮比年大水。其人何如。吾無術以救之。敢崇虛名乎。因以通天犀帶賞季稜。羣



臣四上表竟不受。

上有疾。

上始得風疾。不能言。王守澄薦鄭注。上飲其藥。頗有驗。遂有寵。然上自是神識耗減。不能復故。

甲寅八年春二月壬午朔日食。

夏六月旱。

上以久旱。詔求致雨之方。司門員外郎李中敏

字藏之隴西人

上表曰。仍歲大旱。直以宋申錫之冤濫。鄭注之姦邪。今

斬注而雪申錫。天必雨矣。不從。中敏乃謝病歸東都。

冬十月幽州軍亂。逐節度使楊志誠。推史元忠主留務。志誠伏誅。



元忠獻志誠所造衮衣僭物詔流嶺南道殺之

已而元忠為

盧龍節

度使。

以李宗閔同平章事李德裕罷為山南西道節度使李仲言為翰林侍讀學士。

初李仲言流象州。

仲言以武昭事獲罪具見前。

遇赦還東都會留守

李逢吉

逢吉由山南節度留守東都。

思復入相仲言自言與鄭注善

逢吉使仲言厚賂之注引仲言見王守澄守澄薦于上

言其善易仲言儀狀秀偉倜儻尚氣頗工文辭有口辯

多權數上見之大悅欲以為諫官置之翰林李德裕曰

仲言鄉所為計陛下必盡知之豈宜寘之近侍上曰然

豈不容其改過對曰仲言之惡著于心本

猶言心根。

安能悛



改。上曰：逢吉薦之，朕不欲食言。對曰：逢吉身為宰相，乃薦姦邪以誤國，亦罪人也。上曰：然則別除一官。對曰：亦不可。上顧王涯，涯對曰：可。德裕揮手止之。上回顧適見，不懌而罷。始涯聞上欲用仲言，草諫疏極憤激。既而見

上意堅，且畏其黨盛，遂中變。尋以仲言為四門助教。

給事。

中鄭肅、韓偓。封還敕書。德裕出中書。王涯詐謂二人曰：李公適留語，令二閣老不用封敕。二人即行下。德裕聞之，大驚曰：有司封駁，豈當稟宰相意邪？鄭肅字父敬，榮陽人。韓偓字相之，長安人。閣老，唐兩省官相呼之稱。

仲言及注皆惡德裕，以宗閔與德裕不相悅，引宗閔以敵之。及是，上遂相宗閔，而出德裕于興元，以仲言為翰林

侍讀學士。

仲言尋改名訓。

十一月，王庭湊死，子元逵自知成德留後。



正人指邪人為邪邪人亦  
指正人為邪二語似矣然  
邪正固不容不別而朋黨  
實非朝廷所宜有如李德  
裕較之牛僧孺為略正矣  
至其朋黨惡習何嘗不為  
當時之害

元達改父所為事朝廷甚謹已而以元達為節度使

以李德裕為鎮海節度使

先是德裕見上請留京師上以為兵部尚書及是李宗  
閔言德裕制命已行不宜自便詔復以德裕鎮浙西時  
德裕宗閔各有朋黨互相擠援上患之每歎曰去河北  
賊易去朝中朋黨難

以王璠為尚書左丞

鄭注深德璠

泄宋申錫之謀事見前

李訓亦與之善共薦之

乙卯

九年春正月浚曲江及昆明池

鄭注言秦地有災宜興役以禳之也

夏四月以李德裕為賓客分司路隋罷



初德裕爲浙西觀察使。漳王傅母杜仲陽坐宋申錫事。放歸金陵。詔德裕存處之。會德裕已離浙西。牒留後李蟾使如詔旨。至是王璠等奏德裕厚賂仲陽。陰結漳王圖爲不軌。上怒甚。路隋曰。德裕不至此。果如所言。臣亦應得罪。乃以德裕爲賓客分司。而以隋代爲鎮海節度使。不得面辭而去。德裕尋復貶袁州長史。制以上初得裕問起居。不至。又在蜀徵道懸錢。百姓愁困。貶之。

以賈餗

字子美。河南人。同平章事。

餗性褊躁輕率。與李德裕有隙。而善于李宗閔。鄭注。故上用之。

五月。以仇士良

循州興寧人。

爲神策中尉。



初。宋申錫獲罪。宦官益橫。上不能堪。李訓。鄭注。揣知上意。數以微言動上。上意其可與謀大事。遂密以誠告之。訓。注。遂以誅宦官爲已任。二人言無不從。聲勢烜赫。注多在禁中。或時休沐。賓客填門。賂遺山積。外人但知訓。注。倚宦官作威福。不知其與上有密謀也。上之立也。仇士良有功。王守澄抑之。由是有隙。訓。注。爲上謀。進擢士良。以分守澄之權。

六月。貶李宗閔爲明州刺史。秋。七月。以李固言同平章事。京城訛言。鄭注爲上合金丹。須小兒心肝。民間驚懼。鄭注素惡京兆尹楊虞卿。與李訓共搆之云。此語出于虞卿家人。上怒。下虞卿獄。注求爲兩省官。李宗閔不許。注



訓注開陳方畧未嘗非當時急務故言之足聳聽聞特二人皆姦邪無實所行不逮所言且復伐異黨同驅恥必報始則罔上以行私既乃僨事而誤國是知以言取人未有不為僉王所惑者

毀之于上。會宗閔救虞卿。上怒。叱出貶之。虞卿亦貶虔州司馬。

州唐置。今江西贛州府是。以李固言為相。訓注為上畫太平之策。以

為當先除宦官。次復河湟。次清河北。開陳方畧。如指諸

掌。上以為信。寵任日隆。連逐三相。李德裕。路隋。李宗閔。威震天下。

于是平生絲恩髮怨。無不報者。時人皆言注朝夕且為相。侍御史李甘揚言于

朝曰。白麻出。我必壞之于庭。遂貶封州司馬。然訓亦忌注。不欲使為相。事竟寢。李甘。字和鼎。長慶末進士。封

州唐置。今肇慶府封川縣是。

以鄭注為翰林侍讀學士。貶李珣為江州刺史。

注好服鹿裘。以隱淪自處。上以師友待之。注之初得幸。

上嘗問翰林學士李珣曰。卿知有鄭注乎。對曰。臣豈不

知。其人姦邪。陛下寵之。恐無益聖德。至是以注為工部



尚書翰林侍讀學士。珏貶江州。時注訓所惡。皆目為二

李

宗閔德裕

之黨。貶逐無虛日。班列殆空。

陳弘志伏誅。

時弘志為興元監軍。李訓為上謀討元和之亂。

憲宗之崩當時

皆言陳弘志弒逆事具前

召之至青泥驛。

在漢中府略陽縣西北青泥嶺上

封杖殺

之。

李固言罷。以鄭注為鳳翔節度使。

初。注求鎮鳳翔。固言不可。乃出固言鎮興元。而以注為

鳳翔帥。李訓雖因注得進。及勢位俱盛。心頗忌注。託以

中外協勢。以誅宦官。故出注于鳳翔。其實俟既誅宦官。

并圖注也。

注請禮部員外郎韋溫為副使。溫不可。或曰拒之必為患。溫曰擇禍莫若輕。拒之止于遠。



貶從之有不測之禍卒辭之。

以舒元興李訓同平章事。

元興爲中丞。凡訓注所惡者。則爲之彈擊。由是得爲相。上懲二李朋黨。以賈餗及元興皆孤寒新進。故擢爲相。庶其無黨。訓起流人。期年致位宰相。天子傾意任之。天下事皆決于訓。王涯輩承順其風指。惟恐不逮。

冬十月。以王涯兼權茶使。

先是。涯請改江淮嶺南茶法。增其稅。及是上問鄭注以富人之術。注無以對。乃請權茶。以涯爲使。其法籍民茶園。而量給之直。官自造作。人甚苦之。後注敗。遂罷。

殺王守澄。

尹起莘曰。按唐書。王守澄。陳弘志二人之罪。惟均。然弘志之死。封杖殺之。故綱目書伏誅。至于



守澄則陰遣酖逼之。而又加贈其官。故綱目書殺。今依綱目。

訓注爲上謀誅守澄。先授守澄神策觀軍容使。尊以虛名。實奪之權。至是遣中使就第。賜酖殺之。訓注本因守澄以進。卒謀而殺之。人皆快守澄之受佞。而疾訓注之陰狡。于是元和之逆黨畧盡矣。

加裴度兼中書令。

李訓所獎拔。率皆狂險之士。然亦時取天下重望。以順人心。如裴度。令狐楚。鄭覃。皆累朝耆俊。久在散地。訓皆引居崇秩。由是士大夫亦有望其真能致太平者。不惟天子惑之也。然識者見其橫甚。知將敗矣。

十一月。李訓。舒元興。鄭注等。謀誅宦官。不克。以鄭覃。李石。



自古宦官之禍至甘露之變而極。注訓合謀各懷私見。既挾要功之意。復無禦變之才。築室道謀。宜其敗耳。君不密失臣。臣不密失身。猶不足為若輩貴也。

同平章事。仇士良殺訓。注元興及王涯賈餗等。

始鄭注與李訓謀。至鎮選壯士數百為親兵。奏請入護

王守澄葬。仍請令內臣盡集送之。因令親兵殺之。使無

遺類。約既定。訓與其黨謀如此事成。則注專有其功。乃

以郭行餘元和中進士鎮邠寧。王璠鎮河東。使多募壯士為

部曲。以羅立言宣州人知京兆府事。韓約朗州武陵人為金吾

衛大將軍。又與御史中丞李孝本宗室子謀。并注去之。宰

相惟舒元興與其謀。他人莫知也。及是日。上御紫宸殿。

百官班定。韓約奏左金吾聽事後石榴夜有甘露。因蹈

舞再拜。宰相亦帥百官稱賀。訓元興勸上往觀。以承天

貺。上許之。先命宰相視之。訓還奏非真。未可宣布。上顧



仇士良帥諸宦者往視之。宦者既去。詔召行餘璠受救。璠股栗不敢前。獨行餘拜殿下。時二人部曲數百皆執兵立丹鳳門外。訓召之入。士良等至左仗。韓約變色流汗。士良怪之。俄風吹幕起。執兵者甚衆。士良等驚走。詣上告變。訓呼金吾衛士上殿。衛乘輿者人賞錢百緡。宦官卽舉軟輿迎上。決殿後梁。恩疾趣北出。羅立言帥京兆邏卒三百。李孝本帥御史臺從人二百。皆登殿縱擊。宦官死傷者十餘人。訓知事不濟。脫從吏綠衫衣之。走馬而出。王涯賈餗舒元興還中書。士良等知上豫其謀。怨憤出不遜語。上慙懼不復言。士良等命左右神策兵五百人露刃出討賊。殺金吾吏卒六百餘人。諸司吏卒



及民酤販在中者皆死。又千餘人擒舒元興。王涯、王璠、羅立言等皆繫兩軍。涯年七十餘，不勝苦，自誣服與李訓等謀行大逆。禁兵及坊市惡少年乘勢剽掠，塵埃蔽天明。日，百官入朝，上御紫宸殿，問宰相何爲不來。仇士良曰：「王涯等謀反繫獄，因以涯手狀呈上。」上召左右僕射令狐楚、鄭覃示之，悲憤不自勝，謂曰：「是涯手書乎？」對曰：「是也。」命楚覃參決機務，使楚草制，宣告中外。楚叙涯等反事浮沉，仇士良等不悅。由是不得爲相，而以鄭覃、李石同平章事，擒獲賈餗、李孝本。李訓爲人所殺，傳其首左右，神策出兵以訓首引涯璠立言餗元興孝本獻于廟社，徇于兩市。命百官臨視，腰斬于獨柳之下，親屬



皆死。孩穉無遺。數日之間。殺生除拜。皆決于中尉。上不豫知也。鄭注。將親兵至扶風。知訓已敗。復還鳳翔。監軍伏甲斬之。滅其家。僚屬皆死。右軍獲韓約。斬之。士良等進階。遷除有差。自是天下事皆決于北司。宰相行文書而已。宦官自是氣益盛。每延英議事。士良等動引訓。注。折宰相。鄭覃。李石曰。訓。注。誠爲亂首。但不知訓。注。始因何人得進。宦者稍屈。縉紳賴之。

十二月。召六道巡邊使還京師。

初。王守澄惡宦者。田全操等六人。李訓。鄭注。因遣分詣鹽靈等道巡邊。詔六道使殺之。會訓。注。敗。六道得詔。皆廢不行。至是。召之。全操等追忿訓。注。之謀。在道揚言。我入城。凡儒服者盡殺之。乘驛疾驅而入。京城訛言寇至。



民驚走。諸司奔散。鄭覃李石在中書。覃謂石曰。耳目頗異。宜出避之。石曰。宰相位尊望重。人心所屬。不可輕也。今事虛實未可知。堅坐鎮之。庶幾可定。若宰相亦走。則中外亂矣。且果有禍亂。避亦不免。覃然之。石坐視文案。沛然自若。至晡乃定。

以薛元賞爲京兆尹。

時禁軍暴橫。京兆尹張仲方不敢詰。以薛元賞代之。元賞嘗詣李石第。聞石方坐聽事。與一人爭辯甚喧。元賞使覘之。云有神策軍將訴事。元賞趣入。責石曰。相公紀綱四海。不能制一軍將。使無禮如此。何以鎮服四夷。卽命左右擒出。其黨訴于仇士良。士良召之。元賞曰。屬有

元賞擒杖軍將頗著風力  
亦未流之錚錚者士良雖



強橫據理直折彼固莫如  
之何因服往見又何爲哉

公事行當至矣。乃杖殺之。而白服以見。士良曰。中尉宰相皆大臣也。宰相之人。若無禮于中尉。如之何。中尉之人無禮于宰相。庸可恕乎。中尉與國同體。爲國惜法。元賞已囚服而來。惟中尉死生之士良無可如何。乃呼酒與元賞歡飲而罷。

丙辰開成元年春二月。加劉從諫檢校司徒。

昭義節度使劉從諫上表。請王涯等罪名。且言涯等荷國榮寵。安肯構逆。訓等實欲討除內臣。兩中尉

仇士良  
魚弘志

遂誣以反逆。若其實有異圖。亦當委之有司。正其刑典。豈有內臣擅領甲兵。恣行剽劫。延及士庶。橫被殺傷。臣欲身詣闕庭。面陳臧否。恐并陷孥戮。事亦無成。謹當修



飭封疆訓練士卒如姦臣難制誓以死清君側仇士良等懼乃加從諫檢校司徒從諫復表讓曰臣之所陳繫國大體可聽則涯等宜蒙湔洗不可聽則賞典不可妄加安有死寃不申而生者荷祿因暴揚士良等罪惡士良等憚之由是鄭覃李石粗能秉政天子倚之亦差以自彊。

三月詔京兆收葬王涯等。

令狐楚從容奏王涯等身死族滅遺骸棄捐請收瘞之上慘然久之命京兆收葬涯等十一人仇士良潛使人發之棄骨渭水。

夏四月以李固言同平章事。



固言薦崔球

李宗閔之黨

為起居舍人。鄭覃以為不可。上曰：

公事莫相違。覃曰：若宰相盡同，則事必有欺。陛下者矣。

上與宰相語，患四方表奏華而不典。李石對曰：古人因事為文。今人以文害事。上又嘗與宰相論詩。覃曰：詩之工者，無若三百篇。皆國人作之，以刺美時政。王者采之以觀風俗耳。不聞王者為詩也。陳後主、隋煬帝皆工于詩，不免亡國。陛下何取焉。

覃篤于經術，上甚重之。

秋七月，以魏謩

字申之，徵五世孫。

為補闕。

李孝本二女，配沒右軍。上取之入宮。拾遺魏謩上疏曰：

竊聞數月以來，教坊選試以百數。莊宅收市猶未已。又

召李孝本女，不避宗姓。大興物論。臣竊惜之。上即出之。

擢謩為補闕。謂曰：朕選市女子，以賜諸王耳。憐孝本女

孤露，故收養宮中。謩于疑似之間，皆能盡言，可謂愛我。



不忝厥祖矣。命中書優為制辭以賞之。人。上就起居舍

觀之。譽不可曰。記注兼書善惡。所以儆戒人君。陛下但

力為善。不必觀史。上曰。朕曷嘗觀之。對曰。此曷日史官

之罪也。若陛下自觀史。則史官必有所諱避。何以取信

于後。上乃止。又嘗命譽獻其祖文貞公笏。鄭覃曰。在人

不在笏。上曰。亦

甘棠之比也。

丁巳二年春三月彗星見。

彗星出于張長八丈餘。詔撤樂減膳。以一日之膳分充

十日。

夏四月。以柳公權為諫議大夫。

上對中書舍人柳公權等于便殿。上舉衫袖示之曰。此

衣已三澣矣。時眾皆美上之儉德。公權獨無言。上問其

故。對曰。陛下貴為天子。富有四海。當進賢退不肖。納諫

公權以敢言著聞。文宗亦嘉其風采。然彼時宦寺弄權。朝臣植黨。未聞有所糾彈。則亦杜欽谷永之流耳。區區不諛。澣衣托詞筆諫。



諍明賞罰。乃可以致雍熙。服澣澣之衣。乃末節耳。上曰。中書舍人。不應復為諫議。以卿有諍臣風采。須屈卿為之。故有是命。

以陳夷行

字周道。其先江左諸陳世家。潁川。

同平章事。

夷行性介直。同位多相牴牾。獨與鄭覃善。每議政事。嘗

助之。

是冬。李固言罷。為西川節度使。

冬十月。國子監石經成。

在今西安府學內。

初。鄭覃奏經籍訛繆。請令儒臣校正。準後漢熹平故事。

蔡邕書石經事見前。

勒石太學。從之。既而覃以宰相判國子監。奏

以起居郎周墀

字德升。汝南人。

等勘定文字。旋令上石。至是始

成。

考舊唐書。鄭覃所立石經。官校字體。有乖師法。立後數十年。名儒皆不窺之。即今西安府學石經是也。天



祐中韓建改築長安新城石皆委棄城外宋元祐中呂  
大防始移今學年歲久遠剥泐殘闕後人別為摹補刻  
立小石于碑旁開成舊本所存什之五六而已

戊午三年春正月以楊嗣復字繼之陵子李珣同平章事李石罷

為荆南節度使

上自甘露之變意忽忽不樂或徘徊眺望或獨語歎息

嘗謂宰相曰朕每讀書恥為凡主然與卿等論天下事

有勢未得行者退但飲醇酒求醉耳時宦官恣橫李石

忘身殉國故綱紀粗立仇士良深惡之潛遣盜殺之不

果石入朝盜射之微傷馬驚馳歸又有盜邀擊于坊門斷其馬尾僅而得免上大驚詔中外捕盜甚急竟無

獲所石懼辭位上深知其故而無如之何從之

以李宗閔為杭州刺史

前盜殺武元衡以許孟容  
一言尚令窮捕茲則累繫  
相臣直同兒戲且彼謀自  
強藩此則繫由奄豎每况  
今下事尚可問乎



楊嗣復欲援進宗閔。恐爲鄭覃所沮。乃先令宦官諷上。上以語宰相。覃果對曰。陛下若憐宗閔。只可量移。若欲用之。臣請避位。陳夷行亦曰。宗閔纖人。曷以朋黨亂政。陛下奈何愛之。楊嗣復曰。事貴得中。覃等因與嗣復互相詆訐。上曰。與一州無傷。覃等退。上謂魏謩曰。宰相諠爭如此。可乎。對曰。誠爲不可。然覃等盡忠憤激。不自覺耳。李固言素與嗣復珪善。固言旣罷。引二人居大政。以排鄭覃。陳夷行。每議政之際。是非蜂起。上不能決也。夏五月。禁諸道言祥瑞。

太和之末。杜悰鎮鳳翔。時有詔沙汰僧尼。會有五色雲見于岐山。近法門寺。民間訛言佛骨降祥。以僧尼不安之故。監軍欲奏之。悰曰。雲物變色。何常之有。未幾獲白。



兔監軍又欲奏之。悰曰：野獸未馴，且宜畜之。旬日而斃。監軍不悅，畫圖獻之。已，鄭注代悰奏紫雲，見，又獻白雉。是歲，遂有甘露之變。及悰判度支，河中奏騶虞，見，百官稱賀。上謂悰曰：李訓、鄭注皆因瑞以售其亂，乃知瑞物非國之慶。卿在鳳翔，不奏白兔，真先覺也。對曰：昔河出圖，伏羲以畫八卦；洛出書，大禹以叙九疇，皆有益于人，故足尚也。至于禽獸草木之瑞，何時無之？劉聰桀逆，黃龍三見；季龍暴虐，得蒼麟、白鹿，以駕紫蓋，以是觀之，瑞豈在德？願陛下專以百姓富安爲國慶，自餘不足取也。上善其言，遂詔諸道皆勿以祥瑞聞。

秋八月，詔神策將吏改官，皆先奏聞。



開成以來神策將吏遷官多不奏聞直牒中書令覆奏施行遷改殆無虛日至是始詔皆先奏聞狀至中書然後檢勘施行

冬十月太子承卒

初太子承之母王德妃無寵爲楊賢妃所譖而死太子頗好遊宴昵近小人賢妃日夜毀之上召宰相及兩省御史郎官議廢之皆言太子年少容有改過國本至重豈可輕動中丞狄兼謩論之尤切至于流涕給事中韋溫曰陛下惟一子不教陷之至是豈獨太子之過乎翰林及神策六軍使數十人復表論之上意稍解宦官宮人坐流死者數十人至是暴薨

通鑑考異曰太子承非良死也但宮省事秘外



人莫知其詳。  
故第云暴薨。

吐蕃發泰贊普死，弟達磨立。

發泰多病，委政大臣，僅能自守，故不為邊患。達磨荒淫殘虐，國人不附，災異相繼，吐蕃益衰。

已未四年春三月，司徒中書令晉公裴度卒。論曰：文忠。

度鎮河東，以疾求歸東都，詔入知政事。正月至京師，不能入見，勞賜旁午。至是卒，上怪度無遺表，問其家，得半藁，以儲嗣未定為憂，言不及私。度身貌不踰中人，而威望遠達四夷，四夷見唐使，輒問度老少，用捨，以身繫國輕重。如郭子儀者，二十餘年。

五月，鄭覃、陳夷行並罷。



太和政事已成。尾大不掉。夷行所陳。深中時弊。覃珏等不知以國事爲重。而各匿私心。言言傾軋。朝政不綱。正坐此輩庸臣所誤。嗣復之因勢中傷。尤爲奸險。文宗毫不知昏眊。殊甚矣。

上與宰相論政事。陳夷行言不宜使威權在下。李珏曰。夷行意疑宰相中有弄陛下威權者耳。臣屢求退。苟得王傅。臣之幸也。鄭覃曰。陛下開成元年。二年。政事殊美。三年。四年。始不如前。楊嗣復曰。元年。二年。覃夷行用事。三年。四年。臣與李珏同之。罪皆在臣。因叩頭曰。臣不敢更入中書。遂趨出。上召還勞之。覃起謝曰。此乃嗣復不容臣耳。嗣復曰。覃言政事一年不如一年。非獨臣應得罪。亦上累聖德。退三表辭位。上召出之。而罷覃及夷行。覃性清儉。夷行亦耿介。故嗣復等深疾之。

秋七月。以崔鄆

鄆之弟

同平章事。

鄭覃。陳夷行。旣罷。鄆以太常卿入相。



冬十月立陳王成美為皇太子。

楊妃請立皇弟安王溶

穆宗第八子

為嗣。上謀于宰相李珣

非之。乃立敬宗少子成美為皇太子。

上幸會寧殿作樂有童子緣橦一夫

往來走其下如狂上怪之左右曰其父也上泣然流涕

曰朕貴為天子不能全一子召教坊劉楚材宮人張十

十等數人責之曰構害太子皆爾曹也付吏殺之因是

感傷舊疾遂增十一月疾少間坐思政殿召當面學士

周墀問曰朕可方前代何主對曰陛下堯舜之主也上

曰朕豈敢比堯舜所以問卿者何如周赧漢獻耳墀驚

曰彼亡國之主豈可比聖德上曰赧獻受制于彊諸侯

今朕受制于家奴以此言之殆不如也因泣下沾襟墀

伏地流涕自

是不復視朝

回鶻相掘羅勿弒彰信可汗。

掘羅勿引沙陀兵共攻可汗可汗自殺國人立廬駁特

勒為可汗。會歲疫大雪羊馬多死回鶻遂衰。



武宗序非當立且甫立即  
殺溶及成美雖士良等欲  
以此為功而武宗之殘忍  
亦甚卒之享國不長其子  
亦不得立可以觀天道矣

申與五年春正月帝不豫宦官仇士良魚弘志矯詔立頌王

灑穆宗弟為皇太弟廢太子成美為陳王帝崩灑殺成美

遂即位是為武宗考太弟之立仇士良魚弘志所為也

綱目于提綱不書士良等矯詔而分注載之綱與

上疾甚命知樞密劉弘逸薛季稜引楊嗣復李珣至禁

中欲奉太子監國中尉仇士良魚弘志以太子之立功

不在已乃言太子幼且有疾矯詔立灑為太弟成美復

封陳王越二日上崩士良說太弟賜楊賢妃安王溶陳

王成美死太弟遂即位時敕大行以十四日殯成服諫

不聽士良等追怨文宗凡樂工及內侍得幸者誅貶相

繼夷直復上言陛下繼統宜速行喪禮早議大政以慰

天下而未及數日屢誅戮先帝近臣驚率士之視聽傷



可刑。若其有罪，旬日何晚？又不聽。裴夷直，字禮卿，河東人。

秋八月葬章陵。

在西安府富平縣西北天乳山。

史臣曰：文宗恭儉儒雅，太和之初，政事修飭，號為清明。然仁而少斷，宦官撓權，制之不得其術，故其終困以此云。

九月以李德裕同平章事。

初上之立，非宰相意，于是楊嗣復、李珣相繼罷去。五月

罷以崔珙同平章事。八月召德裕而相之。德裕入謝，言

李珣亦罷。崔珙博陵人。召德裕而相之。德裕入謝，言

之要在於辨羣臣之邪正。夫邪正二者，勢不相容。正人

指邪人為邪，邪人亦指正人為邪。人土辨之，甚難。臣以

為正人如松栢，特立不倚。邪人如藤蘿，非附他物不能自起。故正人一心事君，而邪人競為朋黨。先帝深知朋黨之患，然所用卒皆朋黨之人。良由執心不定，故姦邪得乘間而入也。夫宰相不能人人忠良，或為欺罔，主心始疑。于是旁詢小人以察佞政。如德宗末年所聽任者，惟裴延齡輩宰相署敕而已。此政事所以日亂也。陛下



誠能慎擇賢良。以爲宰相。有姦同者。立黜去之。常令政事皆出中書。其心委任。堅定不移。則天下何憂不理哉。又曰。先帝于大臣。好爲形迹。小過皆含容。不言。日累月積。以至禍敗。茲事大誤。願陛下以爲戒。臣等有罪。陛下當面詰之。小過則容。其後改。大罪則加之。誅譴如此。君臣之際。無疑間矣。上嘉納之。

冬十月。黠戛斯

注見前。

攻回鶻。破之。回鶻嗾沒斯欵塞求內

附。

黠戛斯部落。卽古堅昆。唐初結骨也。

注俱見前。

乾元中。爲回

鶻所破。不通中國。其人悍勇。吐蕃回鶻常賂遺之。假以

官號。回鶻旣衰。其酋長阿熱始自稱可汗。回鶻擊之。連

兵三十餘年。反爲所敗。廬駭破殺。諸部逃散。可汗兄弟

嗾沒斯等。及其相赤心。那頡啜。各帥其衆。抵天德塞下。

貿穀食。且求內附。天德軍使溫德彝奏回鶻潰兵侵逼



和城歷代通鑑輯覽卷之十一

西城詔振武節度使劉沔

字汪彭城人

屯雲迦關

唐書地理志單于府

有雲迦關單于府今歸化城是以備之

魏博節度使何進滔卒子重順知留後

重順尋為節度使賜名弘敬

十一月以李中敏為婺州刺史

丙謁者監仇士良請以開府蔭其子為千牛給事中李

中敏判云開府階誠宜蔭子謁者監何由有兒士良慙

恚李德裕亦以中敏為楊嗣復之黨惡之出為刺史

武宗皇帝

辛酉會昌元年春三月殺知樞密劉弘逸薛季稜貶楊嗣復

李珣遠州刺史裴夷直驩州司馬

劉弘逸薛季稜有寵于文宗仇士良惡之上之立非二

中官諱子至明季而弊極其質已濫觴於山中敏一判不煩言而中敏要瑞賢銜恨有志者方當力為主持德裕徒以門戶之見翻如貶謫不顧是非不循決度惟報復私嫌是務可鄙甚矣



明罰之法惟當論其罪之  
當否罪不當雖小豈宜輕  
濫罪誠當雖大安得姑容  
嗣後及珏如果詭謀廢立  
實爲法所不容特以言出  
士良說搆其情尚近曖昧  
耳杜棕年少新立不宜手  
滑云云所謂似是而非果  
爾則年既長立既久遂可  
不思明慎乎見聞錄載宋  
范仲淹於光化知軍過賊  
聚賊事欲爲開貸其死所  
傳尤爲悖理向已深斥其  
說而其手滑二字實卽原  
本於此事不同而義則一  
固非著之

人及宰相意故楊嗣復李珏旣罷士良屢勸上除弘逸  
等于是賜二人死仍遣中使就誅嗣復及珏杜棕奔馬  
見李德裕曰天子年少新卽位茲事不宜手滑時陳夷  
行方復相是月夷行以御史大夫同平章事德裕乃與夷行及崔珙崔  
鄆三上奏請開延英賜對遂入泣涕極言上命之坐者  
三德裕等曰臣等願陛下免嗣復珏二人死勿使旣死  
而衆以爲冤今未奉聖旨臣等不敢坐久之上乃曰特  
爲卿等釋之德裕等躍下階舞蹈上召升坐歎曰朕嗣  
位之際宰相何嘗比數李珏李璵志在陳王嗣復弘逸  
志在安王陳王猶是文宗遺意安王則專附楊妃歸使  
安王得志朕那復有今日德裕等曰茲事曖昧虛實難



知。遂追還二使。更貶嗣復等。

夏六月。詔羣臣言事。毋得乞留中。

詔臣下言人罪惡。並應請付御史臺按問。毋得乞留中。

以杜讒邪。

其後上復謂宰相曰。文宗好聽外議。諫官言事多不著名。有如匿名書。李德裕曰。臣頃在

中書。文宗猶不爾。此乃李訓。鄭注。教文宗以術御下。遂成此風。人主但當推誠任人。有欺罔者。威以明刑。孰敢哉。上善之。

上受法籙于趙歸真。

拾遺王哲切諫。坐貶。

秋九月。詔河東振武備回鶻。

先是。回鶻諸部。奉烏介特勒為可汗。及是天德軍使田

牟。

布之弟。

欲擊回鶻以求功。奏稱回鶻叛將盟沒斯等。侵



逼塞下。請自出兵驅逐。上命朝臣議之。議者以爲擊之便。李德裕曰。窮鳥入懷。猶當活之。況回鶻屢建大功。今爲鄰國所破。遠依天子。未嘗犯塞。奈何乘其困而擊之。宜遣使者鎮撫。賜以糧食。此漢宣帝所以服呼韓邪也。上問德裕。盟沒斯降。可保信乎。對曰。朝中之人。臣不敢保。況敢保數千里外戎狄之心乎。然盟沒斯自去年九月至天德。今年二月。烏介始立。自無君臣之分。豈可謂之叛將。願且詔河東振武嚴兵保境以備之。仍詔田牟毋得邀功生事。從之。已而盟沒斯誘殺赤心。擊走那頡。率所部來降。詔以盟沒斯爲懷化郡王。賜姓李氏。名思忠。以其所部爲歸義軍。赤心。那頡。俱見上。

盧龍軍亂。冬十月。雄武軍使張仲武范陽人。討平之。詔以仲

武知留後。

初盧龍軍亂殺節度使史元忠推牙將陳行泰主留務表求節鉞李德裕曰河朔事勢臣所熟諳比來朝廷遣使太速故軍情遂固若置之數月不問必自生變今請勿遣使以觀之既而軍中果殺行泰立張絳復求節鉞朝廷亦不問雄武軍使張仲武起兵擊絳且遣軍吏吳仲舒奏表以聞詔宰相問狀仲舒言行泰絳皆遊客故人心不附仲武幽州舊將性忠義通書習事人心向之計今軍中已逐絳矣李德裕問雄武士卒幾何對曰軍士土團合千餘人德裕曰兵少何以立功對曰在得人心不在兵多德裕又問萬一不克如何對曰幽州糧食皆在瀋州及北邊七鎮萬一不能入則據居庸關絕其糧道幽州自困矣七鎮唐書地理志檀州有大王北來保要鹿固赤城邀虜石子甌七鎮居庸關亦曰軍都關在今順天府昌平州西北即呂氏春秋九塞之于是李德裕奏行泰



絳皆使大將上表。脇朝廷。邀節鉞。故不可與。今仲武表請討亂。與之有名。乃以仲武知盧龍留後。仲武尋克幽州。已而以仲武為盧龍節度使。

十二月遣使慰問太和公主。

公主下嫁回鶻。事具前。

回鶻烏介可汗。

先是黠戛斯自謂李陵之後。與唐同姓。既破回鶻。得太和公主。遣達干十人奉以歸唐。時朝廷未之知。李德裕請遣使齎詔詣盟沒斯。訪問公主所在。從之。及是回鶻烏介可汗引兵邀擊黠戛斯達干。殺之。却公主南渡磧。屯天德軍境上。公主遣使上表。為可汗求冊命。烏介又使其相上表。借振武一城以居。上乃遣使慰問。賑米二萬斛。上賜烏介可汗敕書。喻以宜率部眾。漸復舊疆。漂寓塞垣。殊非良計。借城未有此比。或欲但求聲援。

御批歷代通鑑輯覽 卷之二十一  
亦須且于漠南駐止。朕當許公主入覲。親問事宜。儻須  
接應。必無所吝。尋遣使行冊命。而烏介屢擾邊境。遂不  
果行。

壬戌二年春二月。以李紳同平章事。

先是崔鄆罷爲西川節度使。及是紳由淮南入朝。遂相。  
以柳公權爲太子詹事。

散騎常侍柳公權。素與李德裕善。崔珙奏爲集賢學士。  
德裕以恩非已出。因事左遷之。

三月。以劉沔爲河東節度使。

初。上以回鶻近塞。遣兵部侍郎李拭鄜之子巡邊。察將帥  
能否。拭還。稱沔有威畧。可任大事。遂以沔鎮河東。

夏四月。羣臣上尊號。



上信任李德裕仇士良惡之會上宴尊號將御樓宣敕士良揚言于衆曰宰相與度支議減禁軍衣糧芻粟如此則軍士必于樓前誼譁德裕聞之自訴于上上怒遽遣中使宣諭兩軍初無此事且赦出朕意非由宰相士良乃惶愧稱謝

秋七月以李讓夷字達心隴西人同平章事

陳夷行罷遂以讓夷同平章事

八月回鶻入寇詔諸道出兵禦之

先是屢詔烏介可汗帥衆北還烏介不奉詔至是突入

大同川注見前驅掠河東雜虜牛馬數萬轉鬪至雲州唐置

今山西大同府是詔諸州發兵俟來春討之

九月以白敏中

字用晦。居易從弟。

爲翰林學士。

上聞白居易名欲相之。以問李德裕。德裕素惡居易。乃言居易病衰。不任朝謁。其從弟敏中辭學不減居易。且有器識。故有是命。

冬十一月以高少逸

渤海人。

爲給事中。鄭朗

字有融。單之弟。

爲諫議

大夫。

初上頗好畋獵。及武戲。五坊小兒賞賜甚厚。嘗謁太后。從容問爲天子之道。太后勸以納諫。上退閱諫疏。多以遊獵爲言。自是出畋稍希。五坊無復橫賜。至是復幸涇陽校獵。諫官高少逸鄭朗諫曰。陛下比來遊畋稍頻。出城太遠。侵星夜歸。萬幾曠廢。上改容謝之。謂宰相曰。本



置諫官。使之論事。朕欲時時聞之。宰相皆賀。乃遞遷以賞之。

吐蕃達磨贊普死。

初達磨贊普有佞幸之臣

史闕其名

以爲相。達磨卒。無子。佞

相立其妃絀氏兄子乞離胡纔三歲。首相結都邪見之。不拜。曰。贊普宗族甚多。而立絀氏子。國人誰服其令。鬼神誰饗其祀。國必亡矣。因拔刀務面。慟哭而出。佞相殺之。國人憤怨。其將論恐熱。悍忍多詐。以誅絀妃佞相爲名。舉兵大破其國。兵有衆十餘萬。

癸亥三年春正月。劉沔大破回鶻。迎太和公主以歸。

回鶻烏介可汗。侵逼振武。劉沔遣石雄

徐州人

帥沙陀朱

邪赤心

執宜子。後賜姓名曰李國昌。

三部襲其牙帳。汚自以大軍繼

之。雄至振武。登城望回鶻。見羶車數十乘。從者類華人。

使諜問之。曰。公主帳也。雄使諜告之。曰。公主至此。當求

歸路。今將出兵擊可汗。請公主駐車勿動。雄乃鑿城為

十餘穴。引兵夜出。直攻可汗牙帳。可汗大驚。棄輜重走。

雄追擊。大破之于殺虎山。

即黑山。在今歸化城界。

可汗被創遁去。

保黑車子族。

室韋別種。在突厥北。善作車帳。故以為號。雄迎公主以歸。已而至京師。詔宰相百官迎謁。公主詣光順門。去盛服。脫簪珥。謝和親無狀之罪。上遣中使慰諭。然後入官。

二月。庚申朔。日食。

三月。以太僕卿趙蕃為安撫黠憂斯使。

先是黠憂斯遣使獻名馬二。詔太僕卿趙蕃飲勞之。上欲



人君居中馭外尊卑之分  
本自秋然而柔遠大經惟  
在德懷威聲徒欲以文字  
爭衡抑亦未矣况遠尋苗  
裔傳會支離尤失救命之  
體且即所稱北平太守亦  
有何足貴德裕頗擅文辭  
且自詡能使異域奉約執  
禮而立言謬誕若此豈非  
千古笑資

令蕃就求安西北庭李德裕等言安西去京師七千餘  
里北庭五千餘里借使得之當復置都護戍兵萬人不  
知此兵于何處追發饋運從何道得通黠戛斯求册命  
此乃用實費以易虛名非計也上乃止黠戛斯求册命  
上恐其不修臣禮復求歲遺及賣馬李德裕曰回鶻有  
平安史之功故有歲賜和市黠戛斯未嘗有功于中國  
豈敢遽求賂遺若慮其不臣當與之約必稱臣叙同姓  
執子孫禮乃行册命上以爲然乃以趙蕃爲安撫使命  
德裕草書賜之曰貞觀中黠戛斯先君身自入朝朝貢  
不絕回鶻陵虐諸蕃可汗能復讐雪怨茂功壯節近古  
無儔今其殘兵不滿千人須盡殲夷勿留餘燼又聞可  
汗與我同族國家承北平太守謂李廣之後可汗乃都尉  
謂李苗裔以此合族尊卑可知今欲册命可汗且遣趙

蕃喻意。

自回鶻至塞上。及黠戛斯入貢。每有詔敕。上多命德裕草之。德裕請委翰林。上曰。學士不能盡

人意。須卿自為之。

贈悉怛謀右衛將軍。

李德裕追論維州悉怛謀事。

上言。維州據高山絕頂。三面臨江。在戎虜平川之衝。

是漢地入兵之路。初河隴盡沒。惟此獨存。吐蕃潛以婦人嫁此州門者三十年。後兩男長成。竊開壘門。引兵夜入。遂為所陷。號口無憂城。從此憑陵近甸。盱食累朝。臣到西蜀。外揚國威。中緝邊備。維州熟臣信令。空壁來歸。南蠻震懾。山西八國皆願內屬。可減八處鎮兵。坐收千餘里舊地。自維州未降前一年。吐蕃猶圍魯州。豈顧盟約。當時不與臣者。望風疾臣。詔執送悉怛謀等。令彼白戮。臣累表陳論。各詔嚴切。竟令執還。蕃帥即以此降人戮于境上。絕忠款之路。快兇虐之情。乞追獎忠魂。故有各加褒贈。魯州。河曲六胡州之一。在宥州西。故有是命。

夏四月。李德裕乞罷。不許。



德裕乞開局。上曰。卿每辭位。使我旬日不得所。今大事皆未就。卿豈可求去。

昭義節度使劉從諫卒。其子稹自爲留後。詔諸道發兵討之。

初。從諫累表言仇士良罪惡。遂與朝廷相猜恨。及疾病。與幕客張谷等謀效河北諸鎮。以弟之子稹爲都知兵馬使。至是卒。稹秘不發喪。逼監軍崔士康奏稱從諫疾病。請命其子稹爲留後。上謀于宰相。多以爲回鶻餘燼未滅。復討澤潞。國力不支。李德裕獨曰。澤潞事體與河朔三鎮不同。河朔習亂已久。人心難化。是故累朝以來。置之度外。澤潞近處腹心。一軍素稱忠義。如李抱真成。

立此軍。德宗猶不許承襲。敬宗不恤國務。宰相又無遠略。劉悟之死。因授從諫。使其跋扈。垂死之際。復以兵權擅付豎子。若又因而授之。則諸鎮誰不思效其所為。天子威令不復行矣。上曰。卿以何術制之。果可克否。對曰。稹所恃者三鎮。但得鎮魏。不與之同。則稹無能為也。若遣重臣往諭王元逵。何弘敬。以河朔傳襲已成故事。與澤潞不同。今將加兵澤潞。不欲更出禁軍。其山東三州。謂邢。洛。磁。委兩鎮攻之。賊平之日。將士並厚加官賞。苟兩鎮聽命。不從旁沮撓官軍。則稹必成擒矣。上喜曰。吾與德裕同之。保無後悔。遂決意討稹。命德裕草詔。賜元逵。弘敬。略曰。澤潞一鎮。與卿事體不同。勿為子孫之謀。欲存輔車之勢。但能顯立功效。自然福及後昆。上稱其諫。



切要口當如此直告之也。又賜張仲武詔令專禦回鶻元達弘敬得

詔懷息聽命先是崔士康表至上遣供奉官薛士幹往

諭從諫使就東都療疾遣稹入朝士幹入境不問從諫

之疾直為已知其死者都押牙郭誼兗州人等大出兵迎

之請用河朔事體遂扶稹出見將士發喪不受敕命德裕

又以議者多言劉悟有功稹未可誅請下百官議上

曰悟迫于救死耳非素心狗國也藉使有功父子為將

相二十餘年國家報之足矣稹何得復自立于是制削

朕以為凡有功當顯賞有罪亦不可苟免也于是制削

奪從諫及稹官爵以王元達何弘敬為招討使與河東

節度使劉沔河陽節度使王茂元栖曜子合力攻討先是河北

諸鎮有自立者朝廷必先有弔祭使冊贈使宣慰使繼

往商度然後用兵故常及半歲軍中得以為備至是宰

相亦欲遣使上即下詔討之元達受詔即日出

冊命速則軍情固征討遲則軍備修武宗於盧龍之遣使則遲之澤潞之用兵則速之舉措一中察會而

功即成可以見審幾慎動之要

士良數語足盡自古刑餘蠱惑伎倆然前此文宗甘心受制莫可如何至武宗雖外示尊寵而不得不自乞罷退益信靖亂之本惟在馭以英斷而權不下移更無餘事也

御批歷代通鑑輯覽

卷之六十一

五月以崔鉉

字台碩元略子

同平章事

上夜召學士韋琮

字禮玉萬年人

以鉉名授之令草制宰相樞

密皆不之知時樞密使劉行深楊欽義皆愿慙不敢預事老宦者尤之曰此由楊劉懦怯墮敗舊風故也

築望仙觀于禁中

六月內侍監仇士良致仕

上外尊寵士良內實忌之士良頗覺遂以老病致仕其黨送歸私第士良教之曰天子不可令閑常宜以奢靡娛其耳目使日新月盛無暇更及他事然後吾輩可以得志慎勿使之讀書親近儒生彼見前代興亡心知憂懼則吾輩踈斥矣其黨拜謝而去



吐蕃論恐熱攻尙婢婢

姓沒盧名贊心牙羊同國人

于鄯州

本唐地沒于吐蕃

吐蕃鄯州節度使尙婢婢好讀書不樂仕進國人敬之  
年四十餘彘泰贊普彊起之使鎮鄯州婢婢寬厚沈勇  
有謀略論恐熱謀篡國恐婢婢襲其後舉兵擊之婢婢  
謂其下曰恐熱之來以我爲不足屠也不如迎伏以驕  
之然後可圖也乃遣使犒師且致書深自卑屈恐熱喜  
曰婢婢惟把書卷安知用兵待吾得國當位以宰相坐  
之于家無所用也乃引兵歸婢婢笑曰我國無主則歸  
大唐豈能事此犬鼠乎

已而婢婢擊恐熱大破之恐熱單騎走歸尋復擊婢婢又大敗

于是婢婢傳檄河湟曰汝輩本唐人吐蕃無主則相與歸唐無爲恐熱所獲也

秋七月以盧鈞爲昭義節度使

朝廷以鈞在襄陽。有惠政。得衆心。故使領昭義以招懷之。

遣御史中丞李回

字昭度。新興王德良六世孫。

宣慰河北三鎮。

詔遣御史中丞李回。宣慰河北。令幽州早平。回鵠鎮魏。早平澤潞。回至河朔。弘敬元達仲武皆具囊鞬郊迎。立于道左。不敢令人控馬。讓制使先行。自兵興以來。未之有也。回明辯有膽氣。三鎮無不奉詔。

以石雄爲晉絳行營節度副使。

李德裕言。曷日河朔用兵。諸道利于出境。仰給度支。或陰與賊通。借一縣一柵據之。自以爲功。坐食轉輸。延引歲時。今請詔諸軍。令王元逵取邢州。何弘敬取洛州。王



茂元取澤州。李彥佐、劉沔取潞州。毋得取縣。上從之。彥

佐行甚緩。德裕請賜詔切責。仍以石雄為副。因以代之。

已而雄代彥佐為節度使。受代之明日。即踰烏嶺。破五

寨。上得捷書。喜甚。謂宰相曰。雄真良將。德裕因言。比年

潞州市有男子。磬折唱曰。石雄七千人至矣。劉從諫以

為妖言。斬之。破潞州者必雄也。詔賜雄帛。雄悉置軍門。

自取一匹。餘分將士。故士卒樂為致死。烏嶺山

名。在平陽府翼城縣東北。與澤州府沁水縣接界。

八月。詔忠武節度使王宰智興子趨磁州。何弘敬拔肥鄉三國

魏縣今屬平恩。漢縣。故城在今廣平府曲周縣。

先是。王元逵擊敗昭義兵。拔宣務柵。在今順德府唐山縣東北。以宣務山

名。詔加元逵同平章事。及是。元逵前鋒入邢州境。已踰

月。何弘敬猶未出師。元逵密表弘敬懷兩端。李德裕言。

忠武累戰有功。軍聲頗振。王宰年力方壯。謀畧可裨。請

卷之六十一  
卷之六十二  
卷之六十三

詔宰將忠武全軍。徑魏博抵磁州。以分賊勢。弘敬必懼。此攻心伐謀之術也。從之。弘敬聞宰將至。蒼黃出師。拔肥鄉。平恩。殺傷甚衆。上曰。弘敬已拔兩縣。可釋前疑。既有殺傷。雖欲持兩端。不可得已。

九月。以王宰兼河陽行營攻討使。

時劉稹使牙將薛茂卿攻陷河陽科斗寨。亦曰科斗店。在天井關南。

天井關。注見前。會河陽節度使王茂元有疾。李德裕請以王宰

為河陽行營攻討使。使亟以軍援河陽。兼可臨制魏博。

從之。茂元尋卒。宰遂進克天井關。忠武軍素號精勇。王宰治軍嚴整。賊甚憚之。

薛茂卿以科斗寨之功。劉稹不加重賞。怨稹密進款于宰。宰引兵攻天井關。茂卿小戰遽走。遂克之。茂卿入

澤州。遣張告宰。許為內應。事覺為稹所殺。



冬十月以劉沔為義成節度使李石為河東節度使

沔與張仲武有隙

沔破回鶻獨迎太和公主以歸故仲武疾之

朝廷恐其以

私憾敗事故徙之

甲子

四年春正月河東都將楊弁作亂討平之

初河東行營兵馬使王逢

沛之子

奏乞益榆社

隋縣今屬山西遼州

兵詔河東以兵二千赴之時河東無兵李石召橫水戍

在大同府西北卒千五百人使楊弁將之詣逢舊制軍士出征

人給絹二匹劉沔之去

自河東徙義成

竭府庫以自隨石初至

軍用乏以已絹益之人纔得一匹時已歲盡軍士求過

正旦而行監軍呂義忠趣之弁遂作亂石奔汾州弁據

軍府使其侄詣劉稹約為兄弟朝議喧然言兩地皆應

罷兵。李德裕上言。太原人心從來忠順。止是貧虛。賞犒不足。况千五百人何能為。必不可縱。且用兵未罷。深慮所在動心。望詔李石還赴太原。召兵討亂。上從之。詔王

逢留太原兵守榆社。以易定汴。充兵還討弁。

又遣中使馬元實至

太原曉諭。且覘之。元實受弁賂還。于衆中大言。相公須早與之節。德裕曰。何故。元實曰。自牙門至柳子。列十五里。曳地光明甲。若之何。取之。德裕曰。李相正以無兵。故發橫水兵赴榆社。弁何能遽至如此之衆乎。元實曰。召募所致耳。德裕曰。召募須有貨財。李相止以欠軍士絹一匹。故致此亂。弁何從得之。元實辭屈。德裕曰。縱其有十五里光明甲。必須殺此賊。柳河東兵戍榆社者。聞朝廷令客軍取太原。恐妻孥為所屠滅。乃擁監軍呂義忠。自收太原。擒楊弁。盡誅亂卒。送弁京都。并其黨斬之。

三月甲寅朔。日食。



以劉沔爲河陽節度使。

李德裕言于上曰。事固有激發而成功者。陛下命王宰

趣磁州。而何弘敬出師。遣客軍討太原。而戍卒先取楊

弁。今王宰久不進軍。請徙劉沔鎮河陽。仍令以義成精

兵二千。直抵萬善。

鎮名。在懷慶府河內縣北。

處宰肘腋之下。若宰識

此意。必不敢淹留。若宰進軍。沔以重兵在南。聲勢亦壯。

上從之。

以劉濛

字仁澤。晏之孫。

爲巡邊使。

朝廷以回鶻衰微。吐蕃內亂。議復河湟四鎮。

卽西安四鎮。見前。

十八州。

謂秦。原。河。渭。蘭。鄯。階。成。洮。岷。臨。廓。壘。宕。甘。涼。瓜。沙。十八州。

乃遣給事中劉濛

巡邊。使先備器械糗糧。令天德。振武。河東。訓卒礪兵。以

歸真之不宜親近德裕則切言之乃武宗溺而不悟自謂不為所惑夫談道滌煩已違兢業萬幾之義未幾而學士除拜寵待過優馴至耽餌金丹詭稱換骨狎暱道流之害更不止妨及政事已也

俟今秋。

以趙歸真為道門教授先生。

上好神仙。歸真得幸。李德裕諫曰。歸真敬宗朝罪人。不宜親近。上曰。朕宮中無事。時與之談道滌煩耳。至于政事。朕必問卿等。與次對官。雖百歸真。不能惑也。德裕曰。小人見勢所在。則奔趣之。旬日以來。歸真之門。車馬輻輳。願陛下深戒之。

夏六月。減州縣冗員。

李德裕以州縣佐官太冗。奏令吏部郎中柳仲郢

字諭蒙公

子。裁減。凡一千二百一十四員。

詔削仇士良官爵。籍沒家貲。



宦官有發士良宿惡。于其家得兵仗數千。故有是命。

秋七月。以杜悰同平章事。

上聞揚州倡女善爲酒令。敕監軍選而獻之。監軍請節度使杜悰不從。監軍怒。表其狀。左右因請敕悰同選。上曰。敕藩方選倡女入宮。豈聖天子所爲。杜悰得大臣體。朕甚愧之。遽敕勿選。召悰入相。勞之曰。卿不從監軍之言。朕知卿致君之心。今相卿。如得一魏徵矣。悰既相。李紳罷爲淮南節度使。

八月。邢洛磁三州降。郭誼斬劉稹以降。

稹少年懦弱。押牙王協兵馬使李士貴用事。專聚貨財。府庫充溢。而將士有功無賞。由是人心離怨。邢州將裴

問。請降于王元逵。洺州守將王釗。磁州守將安玉。請降于何弘敬。李德裕曰。昭義根本。盡在山東。三州降。則上黨不日有變矣。上曰。郭誼必梟劉稹。以自贖。德裕曰。誠如聖料。上曰。于今所宜先處者何事。德裕曰。萬一鎮魏請占三州。朝廷難于可否。請以給事中盧弘止。字子彊。蒲州人。爲三州留後。上從之。并詔盧鈞乘驛赴鎮。鈞先領昭潞義節度。人聞三州降。大懼。郭誼與王協謀。使人說稹以兵授誼。求身歸朝。稹許之。誼遂殺稹。滅其族。函首遣使奉表降于王宰。宰以狀聞。宰相入賀。上曰。郭誼宜如何處之。德裕對曰。劉稹騃孺子耳。阻兵拒命。皆誼爲之謀主。及勢孤力屈。又賣稹以求賞。此而不誅。何以懲惡。宜及諸軍。



在境并誼等誅之上曰朕意亦以爲然乃詔石雄將七

千人入潞州以應謠言

事見前

昭義五州給復一年諸道

將士等級加賞雄至潞州盡執誼等送京師皆斬之盧鈞

素寬厚愛人及是赴鎮散卒歸之者皆厚撫之人情大洽昭義遂安

加李德裕太尉賜爵衛國公

加李德裕太尉衛國公德裕辭上曰恨無官賞卿耳初

德裕以比年將帥出征屢敗其弊有三一者詔令下軍

前者日有三四宰相多不預聞二者監軍各以意見指

揮軍事將帥不得專進退三者每軍各有宦者爲監使

悉選軍中驍勇數百爲牙隊其在陳戰鬪者皆怯弱之

士每戰視事勢小却輒引旗先走陳從而潰德裕乃與

樞密使楊欽義劉行深議約敕監軍不得預軍政每兵千人聽取十人自衛有功隨例霑賞二樞密皆以爲然白上行之自禦回鶻至澤潞罷兵皆守此制自非中書所草詔更無他詔自中出者號令既簡將帥得以施其謀畧故所向有功元和後數用兵宰相或不休沐或繼火乃得罷德裕從容裁決率午漏下還第休沐輒如令沛然若無事時河北三鎮每遣使者至京師德裕常面諭之曰河北兵力雖彊不能自立須藉朝廷官爵威命以安軍情歸語汝使與其使大將邀敕使以求官爵何如自奮忠義立功立事結知明主乎由是三鎮不敢有異志

冬十一月貶牛僧孺爲循州長史流李宗閔于封州注見前

李德裕言于上曰劉從諫據上黨十年太和中入朝僧



儒宗閔執政。不留之。加宰相。縱去。以成今日之患。又使昭義孔目官鄭慶言。從諫每得二人書疏。皆自焚毀。河南少尹李述與德裕書。言僧孺聞稹破。失聲歎恨。德裕奏之。上大怒。貶僧孺等。初。甘露之變。李訓。王涯。賈餗等子弟數人。皆歸從諫。至是。皆為郭誼所殺。德裕復下詔。稱逆賊涯。餗。已就昭義誅其子孫。識者非之。

乙丑五年春。羣臣上尊號。

李德裕等請上尊號。上不受。凡五上表。乃許。

義安太后王氏

敬宗母。崩。諡恭僖。葬光陵東園。

夏五月。以李回同平章事。

杜棕崔鉉罷。回以戶部侍郎同平章事。判戶部如故。

冊黜憂斯為英武誠明可汗。

詔以陝虢觀察使李拭充冊使。

拭未行。會帝崩。事遂寢。大中初。復遣使冊之。

秋七月丙午朔日食。

詔毀天下佛寺。僧尼並勒歸俗。

上惡僧尼耗蠹天下。欲去之。道士趙歸真等復勸之。乃

先毀山野招提。

有常住之寺。

蘭若。

釋氏靜室。

至是敕上都東都各

留二寺。每寺留僧三十人。天下節鎮各留一寺。寺分三

等。留僧有差。餘僧及尼並勒歸俗。寺皆立期毀撤。仍遣

御史分道督之。財貨田產並沒入官。寺材以葺公廨驛

舍。銅像鐘磬以鑄錢。凡天下所毀寺四千六百餘區。招

提蘭若四萬餘區。歸俗僧尼二十六萬五百人。收良田

數千萬頃。奴婢十五萬人。



九月置備邊庫。

李德裕請置備邊庫。令戶部歲入錢帛十二萬緡匹。度支鹽鐵歲入錢帛十三萬緡匹。明年減其三分之一。凡諸道所運助軍財貨皆入焉。以度支郎中判之。

冬十月。以衡山道士劉元靜爲崇元館學士。

元靜固辭還山。許之。

十二月。貶給事中韋弘質官。

劉友益曰。不言所貶之官。史失之也。失之而書。病德裕也。

李德裕秉政日久。奸狗愛憎。人多怨之。左右言其太專。上亦不悅。給事中韋弘質上疏言宰相權重。不應更領三司錢穀。德裕奏曰。制置職業。人主之柄。弘質受人教道。所謂賤人圖柄臣。非所宜言。弘質貶官。由是衆怒愈。

甚

詔罷來年正旦朝會

初上餌方士金丹性加躁急喜怒不常問李德裕以何事對曰陛下威斷不測外人頗驚懼天下既平願陛下以寬理之使得罪者無怨為善者不驚則天下幸甚上自秋來已覺有疾而道士以為換骨至是詔罷正旦朝會

丙寅六年春三月帝崩光王忱本名怡憲宗子帝之叔即位是為宣宗綱目作

立光王忱為皇太叔帝崩太叔即位徐昭文考證曰武宗疾篤旬日不言宦官定策禁中立光王忱為皇太叔是時之立非由武宗乃宦官也且太叔之號于古無之考周恭王崩父共王弟辟方立是為孝王當依此例據事直書曰帝崩光王忱即位以著藩王入承大統之義而去宦官所定不正之名今從之



上疾久未平。以爲唐土德。不可以王氣勝君名。上名灑。灑旁從

水。土所勝也。乃改名炎。初。憲宗納李錡妾鄭氏。生光王怡。幼

時。宮中皆以爲不慧。太和之後。益自韜匿。羣居遊處。未

嘗發言。文宗好誘其言。以爲戲笑。上性豪邁。尤所不禮。

及上疾篤。旬日不能言。諸宦官密于禁中定策。下詔以

皇子幼冲。立怡爲皇太叔。更名忱。令權勾當軍國政事。

太叔見百官。哀戚滿容。裁決庶務。咸當于理。人始知有

隱德焉。上崩。以李德裕攝冢宰。太叔卽位。德裕奉冊旣

罷。上宣宗謂左右曰。適近我者。非太尉邪。每顧我。使我

毛髮灑淅。

夏四月。尊母鄭氏爲皇太后。

李德裕罷爲荆南節度使。

德裕秉權日久。位重有功。衆不謂其遽罷。聞之莫不驚

駭。德裕既罷。遂以白敏中同平章事。

趙歸真等伏誅。

五月。詔上京增置八寺。復度僧尼。

六月。定太廟。爲九代十一室。

復祀代宗。以敬文武宗。自爲一代。爲九代十一室。旣而禘于

太廟。禮院奏祝文于穆敬文武。但稱嗣皇帝臣某昭告從之。

秋。七月。回鶻弑烏介可汗。

烏介之衆。降散餒死。所餘不及三千人。其相弑之而立

其弟遏捻。遏捻哀殘部。仰食于奚。後張仲武擊奚破之。遏捻走室韋。餘衆爲黠戛斯所虜。回鶻寢耗。



滅。

八月葬端陵。

在西安府三原縣東。

賀善贊曰。武宗天姿英果。善屬賓用。故能外降黠戛。內平劉稭。然雖知惡釋氏。而仍信道流。則亦未得為卓然者。

以牛僧孺為衡州長史。李宗閔為郴州司馬。

僧孺宗閔及崔珙楊嗣復李珣等五相皆武宗所貶逐。至是同日北遷。宗閔未行而卒。

九月以李景讓

名後已澄之孫

為浙西觀察使。

景讓在浙西有牙將忤意杖之而斃。軍中憤怒將為變。其母鄭氏聞之出坐聽事。立景讓于庭而責之曰。天子付汝以方面。豈得以國家刑法為喜怒之資。而妄殺無

UNIVERSITY OF TORONTO LIBRARY

卷之十一

四

罪之人乎。萬一致一方不寧。豈惟上負朝廷。使垂老之  
母銜羞入地。何以見汝之先人哉。命左右褫其衣坐之。  
將撻其背。將佐皆爲之請。久乃釋之。軍中遂安。鄭氏性嚴明。早寡。家貧。子幼。每自教之。宅後墻陷。得錢盈船。母視之曰。吾聞無勞而獲。身之災也。天必以先君餘慶。矜其貧而賜之。則願諸孤學問有成。此不敢取。遽命掩而築之。景讓宦達。髮已斑白。小有過。不免捶楚。

冬十月。帝受三洞法錄于道士劉元靜。

十二月。戊辰朔。日食。



御批歷代通鑑輯覽卷之六十二

唐

宣宗皇帝

丁卯大中元年春正月赦天下改元。  
二月旱。

上以旱故減膳徹樂出宮女縱鷹隼止營繕命同平章

事盧商

字爲臣范陽人。帝卽位初相。

與御史中丞封敖

字碩夫冀州蓆人。

疎

理京城繫囚大理卿馬植

字存之扶風人。

奏曰官典犯賊及故

殺人大赦所不免今因疎理而原之使貪吏無所懲畏

死者銜冤無告恐非所以消旱災致和氣也詔兩省議

之諫議大夫張鷟等言所原死罪無冤可雪宜如植奏

UNIVERSITY OF TORONTO LIBRARY

御批歷代通鑑輯覽 卷之六十二

詔從之。以植為刑部侍郎。植素以文學政事有名于時。李德裕不之重。及是白敏中

秉政。凡德裕所薄者皆不次用之。

以李德裕為太子少保分司。

初。德裕引白敏中入翰林。及德裕失勢。敏中竭力排之。

使其黨訟德裕罪。故有是命。

閏月。敕復廢寺。

是時君臣務反會昌之政。故僧尼之弊皆復其舊。

積慶太后。文宗母。居積慶殿。故以是稱之。蕭氏崩。諡貞獻。葬光陵側。

夏。六月。以令狐綯字子直。楚之子。為考功郎中。知制誥。

上謂白敏中曰。朕昔從憲宗之喪。道遇風雨。百官皆散。

惟山陵使長而多髯。攀靈駕不去。誰也。對曰。令狐楚。上

大中務反會昌之政。論史者徒以時相前後傾軋。宋室紹述紛更有類乎此。殊不知宣宗未嗣位時。久為武宗所不禮。而李德裕擅權日久。又挾震主之勢。觀太尉顧我毛髮灑淅。數語與霍光驟乖。何異則德裕



之取禍本其身自取豈待  
同列巧為排擠而宣宗稱  
忌忌之失有不止于矯  
枉過正者矣

李紳案奏湘罪不無迎合  
執政之心及湘中變奏其  
冤德終自當雪情昭雪乃  
竟以武城人罪及推  
勘之入籍門戶而專威福  
再訟所當得柔立素  
為所斥乃以為之訟自得  
名然豈能欺有卓識者哉

日有子乎。敏中以綯對。且稱其有才器。上即擢綯知制  
誥。問以元和故事。綯條對甚悉。上悅。遂有大用之意。  
秋八月。作雍和殿。

上敦睦兄弟。作雍和殿于十六宅。數臨幸。置酒作樂。擊  
毬盡歡。諸王有疾。常親至臥內存問。憂形于色。

冬十二月。貶李德裕為潮州司馬。

初。淮南節度使李紳案奏江都令吳湘賊罪。盜用官錢  
疆取所部

百姓當死。湘。武陵兄子也。議者多言其冤。詔御史崔元

藻。字衮華。晉江  
武城人。覆之。與前獄異。李德裕素惡武陵。

貶元藻。湘獄不復更推。即如紳奏處死。至是。湘兄汝

納。訟湘罪不至死。為德裕所枉殺。御史鞠之。奏狀如汝

UNIVERSITY OF TORONTO LIBRARY  
卷之六十二

納言。于是貶德裕潮州司馬。有丁柔立者。方德裕秉政時。或薦其清直。可任諫官。

德裕不能用。至是。柔立為右補闕。明年。再貶德裕崖州司戶。德裕竟卒于貶所。

戊辰二年春正月。羣臣上尊號。

二月。以令狐綯為翰林學士。

上嘗以太宗所撰金鏡。書名金鏡錄。授綯使讀之。至亂未嘗

不在不肖。治未嘗不任忠賢。止之曰。凡求致太平當以

此言為首。又書貞觀政要于屏風。每正色拱手而讀之。

上欲知百官名數。綯曰。六品以下。吏部注擬。五品以上。

政府制授。各有籍名。日具員。上命宰相作具員。御覽五

卷。寘于案上。



作五王院。

上欲作五王院。以處皇子之幼者。召術士柴嶽明。使相其地。嶽明對曰。臣庶遷徙不常。故有禍福之說。陰陽書本不言帝王家也。上善其言。賜以束帛。

夏五月己未朔日食。

以周墀馬植同平章事。

初墀為義成節度使。辟韋澳

字子斐。貫之子。

為判官。及為相。

太阿不可倒持。相安得有權。李唐中葉以後。威柄下移。政府擅竊成風。恬不為異。雖以周墀鯁直。聞韋澳語。尚爾愕然。習俗移人。吁可懼矣。

謂澳曰。何以相助。澳曰。願相公無權。墀愕然。澳曰。官賞刑罰。與天下共其可否。勿以已之愛憎喜怒移之。天下自理。何權之有。墀深然之。

太皇太后郭氏暴崩于興慶宮。

諡懿安。葬景陵側。

初。憲宗之崩。上疑郭太后預其謀。又鄭太后本郭太后  
侍兒。有宿怨。故上卽位。待郭太后禮殊薄。郭太后意怏  
怏。一日。登勤政樓。欲自隕。上聞之大怒。是夕暴崩。外人  
頗有異論。上不欲以郭太后附葬憲宗。有司請葬景陵  
外園。禮院檢討官王皞。奏宜合葬祔廟。上大怒。白敏中  
召皞詰之。皞曰。太皇太后。汾陽王之孫。憲宗在東宮爲  
正妃。母天下。歷五朝。豈得以曖昧之事。遽廢正嫡之禮  
乎。敏中甚怒。皞氣愈厲。周墀見之。舉手加額。歎其孤直。  
皞竟坐貶句容。漢縣。今屬江寧府。令。後咸通中。皞復爲禮官。仲  
前議。乃始以太后配饗憲  
宗。

冬十一月。萬壽公主適起居郎鄭顥。細之孫。



顯以文雅著稱公主上之愛女故選尚之舊制以銀裝車上曰吾欲以儉約化天下當自親者始令依外命婦以銅裝車仍詔公主執婦禮皆如臣庶之法戒以毋得輕夫族預時事顯弟顯嘗得危疾上遣使視之還問公主何在曰在慈恩寺觀戲焉上怒歎曰我怪士大夫家不欲與我家為昏良有以也亟召公主責之曰豈有小郎病不往省視乃觀戲乎由是貴戚皆守禮法如衣冠之族

已巳三年春正月以韋宙為御史

上與宰相論元和循吏孰為第一周墀曰臣嘗守土江西聞觀察使韋丹功德被于八州沒四十年老穉歌思如丹尚存詔史館修撰杜牧撰丹遺愛碑仍擢其子宙為御史

UNIVERSITY OF TORONTO LIBRARY  
130 St. George Street, 4th Floor, Toronto, Canada

御批歷代通鑑輯覽 卷之六十一

夏四月周墀罷爲東川節度使。

王宰入朝以貨結貴倖求以使相領宣武周墀上疏論之宰遂還鎮駙馬都尉韋讓求爲京兆尹墀言京兆尹非才望不可爲讓議竟寢墀又諫上開邊忤旨遂罷鄭顥言于上曰周墀以直言入相亦以直言罷上深感悟加檢校右僕射。

盧龍節度使張仲武卒。

子直方爲留後直方尋授節度使暴忍喜遊獵軍中將作亂直方知之舉族逃歸京師軍中推

牙將周琳爲留後明年琳卒軍人復立張允伸爲留後張允伸字逢昌范陽人

五月武寧軍亂逐其節度使李廓程之子詔以盧弘止代之。

李廓在鎮不治右補闕鄭魯上言其狀且曰臣恐新麥



唐白肅代以後河西隴右  
盡沒吐蕃及是雖因蕃亂  
請降賦籍徒隸彊藩而田  
稅未歸司計則所云克復  
者亦虛有其名而已

未登。徐師必亂。速命良帥。救此一方。上素之省。徐州果  
亂。逐廓。上思魯言。擢為起居舍人。以盧弘止為節度使。  
武寧士卒素驕。有銀刀都。唐末藩鎮親軍。多謂之都。銀刀。注詳後。尤甚。屢  
逐主帥。弘止至鎮。都虞候胡慶方復謀作亂。弘止誅之。  
撫循其餘。訓以忠義。軍府遂安。

秋七月。克復河湟。

先是吐蕃三州。

秦原。安樂。三州。注俱見前。

七關。

石門。驛藏。制勝。石峽。木峽。六盤。蕭。七關。俱

在平涼府界。

來降。詔諸道皆出兵應接。至是。涇原節度使康

季榮取原州。及六關。靈武節度使朱叔明取安樂州。邠

寧節度使張君緒取蕭關。八月。改安樂州為威州。河隴

老幼千餘人詣闕。上御延喜門樓見之。歡呼舞躍。解胡

UNIVERSITY OF TORONTO LIBRARY  
130 St. George Street

御批歷代通鑑輯覽

卷之六十二

五

服襲冠帶。詔募百姓墾闢三州七關土田。五年不收租

稅。將吏能為營田者。官給牛及種糧。溫池唐縣故城在今寧夏府靈

州。靈州有大鹽池。小二鹽池。委度支制置。戍卒倍給衣糧。二年一

代。餘沒蕃州縣。亦令量力收復。是冬。西川節度使杜棕取維州。

冬。閏十一月。加順宗。憲宗。諡號。

宰相以克復河湟。請上尊號。上曰。憲宗嘗有志復河湟。

未遂而崩。今乃克成先志耳。其議加順憲二廟尊號。以

昭功烈。

庚午。四年。夏四月。貶馬植為常州刺史。

上之立也。中尉馬元贇有力焉。由是有寵。植與之敘宗

族。上賜元贇寶帶。元贇以遺植。植服之以朝。上見而識



之收其親吏鞠之。盡得交通之狀。故貶。

冬十月。以令狐綯同平章事。

先是周墀既罷。以崔鉉魏扶

字相之。盈之孫。

同平章事。既而馬

植貶。魏扶復卒。于是崔龜從

字元告。武城人。

及綯相繼為相。龜從

于是年六月先相。

辛未五年春二月。以裴休為鹽鐵轉運使。

自太和以來。歲運江淮米。不過四十萬斛。吏卒侵盜沈

舟。達渭倉者。什不三四。大墮劉晏之法。休窮究其弊。立

漕法十條。歲運百二十萬斛。

以李福

字能之。石之弟。

為夏綏節度使。

党項屢為邊患。上頗知由邊帥利其羊馬。數欺奪之。或

UNIVERSITY OF TORONTO LIBRARY  
130 St. George Street  
Toronto, Canada M5S 1A5

妄誅殺虜不勝憤怒故反乃以右諫議大夫李福節度夏綬自是繼選儒臣以代邊帥之貪暴者行日復面加戒勵党項遂安

三月以白敏中充招討党項都統制置使

上以南山平夏党項

党項在銀夏以北居川澤者為平夏党項在安鹽以南居山谷者為

南山党項久未平頗厭用兵崔鉉建議宜遣大臣鎮撫乃以

白敏中為制置使兼邠寧節度使軍于寧州定遠城注見

前使史元破党項九千餘帳敏中奏党項平詔南山党

項猶行鈔掠宜于銀夏境內授以閒田或復入山林不

受教令則誅討無赦若邊將貪鄙致其怨叛當先罪邊

將後討寇虜南山党項尋亦請降赦之制以党項既平罷敏中都統以



平章事充  
寧節度使

夏五月吐蕃論恐熱入朝

先是恐熱擊尙婢婢遂掠河西

五千里間皆成赤地

既而所部以

其殘虐多叛恐熱勢孤乃揚言曰吾今入朝借兵于唐

來誅不服者至是入朝求爲河渭節度使上不許召對

遣還恐熱怏怏而去衆稍散纔有二百餘人奔于廓州

注見前

冬十月以魏謩同平章事

時上春秋已高太子未立羣臣莫敢言謩入謝因言今  
海內無事惟未建儲副使正人輔導臣竊以爲憂且泣  
時人重之

十一月以張義潮沙州人為歸義節度使。

先是義潮以沙州降。時吐蕃大亂義潮陰結豪傑一旦帥眾被甲謀于州門唐人皆應之

吐蕃守將驚走義潮遂攝州事奉表來降發兵畧定其旁瓜伊西肅蘭鄯

河岷廓十州。瓜州唐置今安西府是餘注俱見前至是遣其兄義澤奉圖

籍人見于是河湟之地盡入于唐詔置歸義軍于沙州

以義潮鎮之

壬午六年春二月雞山胡三省注在蓬果二州之界羣盜寇掠

果州刺史王贇弘討平之

初蓬果羣盜依阻雞山寇掠三州。胡三省注謂東西詔川及山南西道

果州刺史王贇弘討之山南西道亦奏巴南妖賊言辭

悖慢上怒甚崔鉉曰此皆陛下赤子迫于饑寒盜弄兵

崔鉉劄置之言道子事  
寧人而不達于政體弄妖  
賊悖慢猖獗非勦滅不足



以申國威若徒藉口舌解  
紛反側何由得靖觀勢  
偏師直入一鼓成擒么麼  
初無難盪之勢果何憚而  
不為耶

于谿谷間不足辱大軍。但遣一使者可平矣。乃遣京兆  
少尹劉潼字子因。晏兄子。招諭之。潼言。今使羣賊歸命。其勢甚  
易。所慮者。武臣恥不戰之功。議者責欲速之效耳。潼至  
山中。盜彎弓待之。潼直前曰。我面受詔赦汝罪。使汝復  
為平人。汝真欲反。可射我。賊皆投弓。列拜請降。潼歸館。  
而贊弘引兵已至山下。竟擊滅之。

三月。詔大將軍鄭光

丹陽人。鄭太后之弟。賜莊免稅役。尋罷之。

敕先賜鄭光鄠縣等莊。並免稅役。中書門下奏。稅役之  
法。天下皆同。鄭光獨免。似乖法意。敕曰。朕以鄭光元舅。  
初不細思。親戚之間。人所難議。卿等苟非愛我。豈進嘉  
言。庶事能盡如斯。天下何憂不理。有始有卒。當共守之。

並依所奏。

夏六月以畢誠

字存之。搆從曾孫。

為邠寧節度使。

党項復擾邊。上欲擇帥而難其人。從容與翰林學士畢

誠論邊事。誠援今據古。具陳方略。上悅。曰。不意頗牧近

在禁庭。卿其為朕行乎。誠欣然奉命。

既而誠招諭党項平之。

閏月以盧鈞為河東節度使。

河東節度使李業縱吏民侵掠雜虜。由是北邊擾動。詔

以鈞代之。業內有所恃。

謂侍宦官。

人莫敢言。魏謩獨請貶黜。

上不許。鈞奏韋宙為副使。遣詣塞下。諭以禍福。禁其侵

掠。雜虜遂安。

掌書記李璋杖一牙職。明日牙將百餘人訴于鈞。鈞杖其為首者。謫戍外鎮。曰。邊鎮

也。

李璋。字仲禮。絳之子。



宣宗之言實屬可鄙可笑  
夫以天下與人易為天下  
得人難所為遲遲而不敢  
目昧從事正議之志也  
若宣宗者直以帝位為奇  
貨且以其子為他人又安  
能有為天下得人之志乎  
嘗考以忠臣自負者莫不  
以早建太子擇賢師傅教  
之為急務此無他蓋幸出  
於懷懂盜襲人言而不知  
世移幸出於貪邪欲圖後  
日之富貴而已孔子曰唯  
士智與下愚不移若因選  
賢教之而得賢則堯舜早  
施之於丹朱商均矣且世

秋八月以裴休同平章事

休既相上命休極言時事休請早建太子上曰若建太  
子則朕遂為閒人休由是不敢復言

冬十二月復禁私度僧尼

先是進士孫樵字可之關東人上言百姓男耕女織不自溫飽

而羣僧安坐華屋美衣精饌率以十戶不能養一僧武

宗憤其然髮十七萬僧是天下百七十萬戶始得藉息

也陛下即位以來修復廢寺度僧幾復其舊縱不能如

武宗除積弊奈何興之于已廢乎願早降明詔罷之庶

幾百姓猶得以息肩也至是中書門下奏度僧不精則

戒法墮壞造寺無節則損費過多請自今仍嚴禁私度

愈變而風愈下名位已定  
其不肖者固不足論即有  
其賢之姿諷之者獻其逢  
迎忌之者亟其排陷古今  
之蹟章章可考也則何如  
令其同列兄弟之間均選  
賢而教之之爲愈乎是不  
亟亟以冊立者實所以保  
全之也設云一旦不虞將  
起紛爭蓋處置得宜雖不  
立亦如泰山之安若處置  
不得其宜雖立定亦有肘  
腋之患茲故悉而論之以  
破手載之惑

僧尼從之。

癸酉 七年冬十二月以鄭光爲右羽林統軍。

上事鄭太后甚謹。不居別宮。朝夕奉養。鄭光鎮河中。入朝。上與論政。光對鄙淺。上不悅。留爲統軍。太后數言其貧。上輒厚賜金帛。終不復任以民官。

度支奏歲入之數。

錢九百二十五萬緡。內五百五十萬緡租稅。八十二萬

餘緡權酤。二百七十八萬餘緡鹽利。

甲戌 八年春正月丙戌朔日食。罷元會。

先是左補闕趙璘以日食請罷元會。止御宣政。宰相曰。天下無事。元會大禮。不可罷也。上曰。近華州有賊。關中



少雪皆朕之憂何謂無事雖宜政亦不可御也。

二月以牛叢

字表蘭  
曾儒子

為睦州刺史。

中書門下奏諫官闕員請補上曰諫官要在舉職不必人多如張道符牛叢趙璘輩數人使朕日聞所未聞足矣久之叢出為刺史入謝上賜之紫叢曰臣所服緋刺史所借也上遽曰且賜緋上重惜服章有司常具緋紫衣數襲從行以備賞賜或半歲不用其一故當時以緋紫為榮。

秋九月以高少逸為陝虢觀察使。

有敕使過硤石

唐縣宋省故城在今陝州

怒餅黑鞭驛吏見血少逸

以聞上責敕使謫配恭陵

其後上召翰林學士韋澳屏左右問之曰近日內侍權勢

力謀斷制者故大中之初  
宦官不至肆行使於其時  
善為控馭盡罷羣閹兵柄  
何至復有太和之變乃僅  
與一二侍臣蒿目咨嗟所  
謂築室道謀事將何濟且  
衣緋衣紫於朝臣章服尚  
爾斤斤而宦者視同固  
有威柄何由自主乎

後唐紀一 卷之二十二

如何對曰陛下威斷非前朝之比上閉曰搖首曰全未  
全未尚畏之在策將安出對曰若與外廷議之恐有太  
和之變不若就其中擇有才識者與之謀上曰此乃末  
策朕已試之矣自衣緋以下皆感恩纔衣紫則相與為  
一矣上又與令狐綯謀盡誅宦官綯恐濫及無辜密奏  
曰但有罪勿捨有闕勿補自然漸耗至于盡矣宦者竊  
見其奏由是益與朝士  
相惡南北司如水火矣

冬十月以李行言為海州刺史

上獵于苑北遇樵夫問其縣曰涇陽令為誰曰李行言

為政如何曰性執有彊盜數人軍家謂北軍宦者索之竟不

與盡殺之上歸帖其名于寢殿之柱尋除行言刺史入

謝上賜之金紫取柱帖示之

詔雪王涯賈餗等

上以甘露之變惟李訓鄭注當死餘人無罪詔雪其冤



人君體察下情特擢循績  
未嘗非激揚吏治之端  
然亦須核其平時實政以  
爲進退若僅以佛祠百姓  
禱留信爲賢令安知非巧  
吏授意其下黠民貢諛其  
上耶後世守令云任門帖  
路碑幾成習套使概以輿  
論爲可據轉致公道隱而  
不彰其不爲白居易道旁  
德政碑之譏者幾希矣

乙亥九年春正月成德節度使王元逵卒軍中立其子紹鼎  
爲留後紹鼎尋授節度使二年而卒軍中立其弟紹懿

二月以李君奭爲懷州刺史

初上校獵渭上有父老十數聚于佛祠上問之對曰醴

泉百姓也縣令李君奭有異政考滿當罷詣府乞留故

此祈佛冀諸所願耳及懷州刺史闕上手筆除君奭宰

相莫之測君奭入謝上以此獎勵衆始知之上聰明彊記天下奏

獄吏卒姓名一覽皆記之度支奏誤漬爲清樞密承旨  
孫隱中足成之上怒推按謫罰之嘗密令翰林學士韋

澳纂次州縣境土風物及諸利害爲一書號曰處分語  
他日鄧州刺史薛弘宗入謝出謂澳曰上處分本州事

驚人澳詢之皆處分語  
中事也鄧州注見前

夏閏四月詔州縣作差科簿

監軍理不應設直撥之可  
耳乃不懲掣肘之弊而轉  
定失律并坐之條是欲去  
其權而反加之也非抱  
薪救火而何

詔以州縣差役不均。自今每縣據人貧富及役輕重。作  
簿送刺史檢署訖。鎖于令廳。每有役事。委令據簿輪差。  
秋七月。浙東軍亂。逐觀察使李訥。遜弟。建  
之子。

訥性卞急。遇將卒不以禮。故亂作。事聞。貶朗州。注見  
前。刺  
史杖監軍王宗景。配恭陵。仍詔自今戎臣失律。并坐監  
軍。

崔鉉罷為淮南節度使。

淮南饑。民多流亡。節度使杜悰荒于遊宴。政事不治。上  
聞之。罷悰。以鉉代之。

冬十一月。以柳仲郢為鹽鐵轉運使。

有醫士劉集。交通禁中。上敕鹽鐵補場官。仲郢上言。醫



工術精宜補醫官。若委務銅鹽。何以課其殿最。且場官賤品。非特勅所宜親。上遽賜絹遺之。他日見仲郢勞之。曰卿論劉集事甚佳。上嘗有疾。醫工梁新治之。良已。自陳求官上不許。但一月給錢三十已。而

丙子十年春正月。以鄭朗同平章事。

朗以御史大夫拜工部尚書同平章事。

內園使李敬實遇朗不避馬。朗

奏之上責敬實對曰供奉官例不避上曰汝銜敕命橫絕可也豈得私出而不避宰相乎命剝色配南牙橫絕謂橫度而過剝色褫其服色也南牙注見前

夏五月以韋澳為京兆尹。

豪貴肆惡鄉土最為蠹政  
害民况輦轂間豈容恣橫  
若富族抗租不問勢將獨

澳為人公直既視事豪貴斂手鄭光莊吏恣橫積年租稅不入澳執而械之具奏其狀欲寘于法上曰鄭光甚

於貧戶取盈其弊更不可  
究極章澳執械莊吏請置  
於法按律正無可道乃宣  
宗不但治鄭光庇蠹之  
罪且為奸吏寬轉乞憐史  
稱大中朝用法無私其然  
豈其然哉

愛之何如對曰如此則是陛下之法獨行于貧戶耳臣  
不能奉詔上曰然則痛杖而貸其死可乎澳歸即杖之  
督租數百斛足乃釋

六月裴休罷

休屢以疾辭位遂罷為宣武節度使

冬十月以鄭顥為秘書監

顥營求作相甚切其父祇德聞之

祇德先為江西觀察使以顥尚主通顯固

求散地為太子賓客分司東都

與顥書曰聞汝已判戶部是吾必死之

年又聞欲求宰相是吾必死之日也顥懼表辭劇務遂

以為秘書監

十一月冊回鶻二虎特勒為懷建可汗



先是詔以回鶻有功于國世為婚姻會昌姦臣遽加殘

滅近聞已厯歷

即厯特勒

今為可汗尙寓安西

回鶻前為黠戛斯所虜遣

帳居山林間稍歸厯特勒特勒自稱可汗居甘州有憤西諸城俟歸牙帳當加冊命至

是同鶻遣使入貢遣衛尉少卿王端章充使冊拜可汗

端章在道為黑車子所塞不至而還後回鶻復屢求冊命乾符初遣使詣其國會同鶻為吐谷渾盟未所敗逃遁不知所之遂還黑車子注見前盟未本吐蕃奴部論恐熱之亂嘯合數千人居甘肅瓜沙間以盟未為號

詔議遷穆宗以下出太廟

吏部尙書李景讓上言穆宗乃陛下兄敬宗文宗武宗乃兄之子陛下拜兄尙可拜姪可乎宜遷四主出太廟還代宗以下入廟詔百官議不決而止時人以是薄景讓

十二月以崔慎由

字敬止融元孫

同平章事

上命相左右無知者前此令樞密宣旨以蕭鄴

字啓之梁長沙

王懿九世孫

爲相樞密使王歸長等覆奏鄴所判度支應罷

否上以爲歸長等佑之卽手書慎由名付學士院仍罷

判度支

丁丑十一年春正月以韋澳爲河陽節度使

澳嘗奏事上欲以澳判戶部以心力衰耗難處繁劇爲

辭上不悅及歸其甥柳玘

仲郢子

亢之澳曰主上不與宰

輔僉議私欲用我人必謂我以他岐得之何以自明且

爾知時事浸不佳乎由吾曹貪名位所致耳遂出鎮河

陽

韋澳數語固足爲貪名位者下砭然爲臣者感激自效冀時事可以日理方爲不負特達之知乃沾沾以他岐干進恐啓他人之疑爲說是特對甥自炫名高耳其所云造膝時事又誰見之而誰傳之



二月魏謩罷爲西川節度使。

上樂聞規諫。凡諫官論事。門下封駁。苟合于理。多忌意。

從之。

得大臣章疏。必焚香盥手而讀之。

宰相議事上前。他相或委曲規

諷。魏謩獨正言無所避。上每歎曰。謩綽有祖風。我心重之。然竟以剛直爲令狐綯所忌而出之。

秋七月。以蕭鄴同平章事。

魏謩旣出。鄴遂相。尋罷判度支。

流祝漢貞于天德軍。

敎坊使祝漢貞滑稽敏給。寵冠諸優。一日抵掌詠諧。頗

及外事。上正色謂曰。我畜養爾曹。止供戲笑耳。豈得輒

預朝政邪。會其子坐賊流之。

樂工羅程善琵琶。有寵。殺人繫獄。衆工爲請曰。程負

陛下萬死。然臣等惜其絕藝，不復得奉宴遊矣。上曰：汝曹所惜者，羅程藝。朕所惜者，高祖太宗法。竟杖殺之。

冬十月，遣使迎道士軒轅集于羅浮山。

在惠州府博羅縣西北。元和志：羅山

之西有浮山，蓋蓬萊之一阜，浮海而至，與羅山並體，故曰羅浮。

上好神仙，迎軒轅集至長安，問曰：長生可學乎？對曰：王者屏欲而崇德，則自然受天遐福，何處更求長生？留數月，求還山，乃遣之。

戊寅

十二年春正月，以王式

播弟起之子。

為安南都護。

式有才畧，至安南，樹芳

音力。

木為柵。

徐昭文曰：交趾有此木，葉似青楊，本

生而直，木理堅韌，如中國櫟木，最耐久。

深塹其外，寇不能冒。選教士卒甚

銳，頃之，南蠻大至，去城半日。式意思安閒，遣譯諭之中其要害，蠻夜引去。都校羅行恭久專府政，麾下精兵二



魏晉以來分別流品致清濁混淆深為風俗人心之害至唐而其弊始革崔慎由轉欲援引陋習為致理之資無識甚矣

千都護中軍纔羸兵數百式杖而黜之。

以劉瑑

字子全。仁軌五世孫。同平章事。

瑑與崔慎由議政于上前。慎由曰。惟當甄別品流。上酬萬一。瑑曰。昔王夷甫祖尚浮華。妄分流品。致中原邱墟。今當循名責實。使百官各稱其職。而遽以品流為先。臣未知致理之曰。慎由無以對。

二月崔慎由罷。

上欲御樓肆赦。令狐綯曰。御樓所費甚廣。事須有名。且赦不可數。上不悅。曰。遣朕于何得名。慎由曰。陛下未建儲宮。四海屬望。若舉此禮。雖郊祀亦可。況于御樓。時上餌方士藥。已覺躁渴。疑忌方深。聞之。俛首不復言。旬日。

慎由罷相

夏四月嶺南軍亂詔以李承勛

光弼之孫

為節度使討平之

嶺南都將王令寰作亂囚節度使楊發

字至之素之裔

上命李

燧鎮嶺南已命中使賜之節給事中蕭倣

字思道倪從父弟

封

還制書上方奏樂不暇別召中使使優人追之節及燧

門而返改授承勛討亂平之

以夏侯孜

字好學亳州譙人

同平章事

崔慎由既罷孜以兵部侍郎拜同平章事

五月同平章事劉瑑卒

瑑病篤猶手疏論事上甚惜之

六月蠻寇安南



初。安南都護李涿。通鑑考異曰。涿或作琢。新書有李琢。傳。聽之子也。不云曾為安南都護。疑作都護者。別一李涿。非琢也。為政貪暴。彊市蠻中馬牛。羣蠻怨怒。導南詔侵盜邊境。自是安南始有蠻患。

秋七月。宣州軍亂。逐觀察使鄭薰。

先是。湖南。江西。軍皆亂。逐觀察使。

湖南都將石載順等。逐觀察使韓琮。江西

都將毛鶴等。逐觀察使鄭憲。

及是。宣州復亂。

都將康全泰作亂。

右補闕張潛

上疏言諸鎮致亂之故。

畧曰。藩府代移之際。皆奏倉庫。羨餘。以為課績。朝廷因而甄獎。

夫藩府財賦。所出有常。苟非賦斂過差。及停廢將士。減削衣糧。則羨餘何從而致。比來南方諸鎮。數有不寧。皆此故也。一朝有變。所蓄之財。悉遭標掠。又發兵致討。費用百倍。然則朝廷竟有何利。乞自今藩府長吏。不增賦斂。不減糧賜。獨節遊宴。省浮費。能致羨餘者。然後賞之。上嘉納之。南節度兼宣歙觀察使。討亂軍平之。山南東道節度使徐商遣兵討平。湖南。韋宙為江西觀察使。以山南兵討平江西。徐商。

字義聲。有功五世孫。

河南北淮南大水。

徐泗水深五丈。流沒數萬家。

冬十月。以于延陵為建州

唐置。今福建建寧府是。

刺史。

延陵入辭。上曰。建州去京師幾何。對曰。八千里。上曰。卿

到彼。為政善惡。朕皆知之。勿謂其遠。此階前則萬里也。

卿知之乎。延陵到官。竟以不職貶

令狐綯擬李遠杭州刺史。上曰。吾聞遠詩

云。長日惟消一局棋。安能理人。綯曰。詩人託此為高。興耳。未必實然。上曰。且令往試觀之。上詔刺史毋得外徙。

必令至京師。面察其能。否則後除之。令狐綯嘗從其故人為鄰州刺史。便道之官。上見其謝表。以問綯。對曰。以

其道近。省送迎耳。上曰。朕以刺史多非其人。為百姓害。故欲一一訪問。知其優劣。以行黜陟。而詔命既行。直廢

格不用。宰相可謂有權。時方寒。綯汗透重裘。上臨朝。接對羣臣如賓客。雖左右近習。未嘗見其有惰容。每宰相

君子不惡而嚴。乃尋常世  
故通論不可以語朝廷實  
罰之正綯以宰臣庇私人  
而格昭命此何等事而僅  
以微文刺譏俾之汙下可  
乎且綯子以殖貲攬權至



道路有白衣宰相之目宣  
宗亦不之知史贊所謂明  
察斷果安在哉

奏事旁無一人立者威嚴不可仰視奏事畢忽怡然曰  
可以聞語矣因問問閤細事或談宮中遊宴無所不至  
一刻許復整容曰卿輩善為之朕常恐卿輩負朕後日  
不復得再相見乃起入宮令狐綯謂人曰吾十年秉政  
最承恩遇每延英奏事未嘗不  
汗沾衣也李遠字求古蜀人

十二月以蔣伸

字大直又之子同平章事

伸從容言于上曰近日官頗易得人思微倖上驚曰如

此則亂矣對曰亂則未亂但微倖者多亂亦非難土稱

嘆再三伸起上三留之曰異日不復得獨對卿矣次對官獨

對宰相則同入對伸不論尋拜相

己卯十三年夏四月以廣德公主適校書郎于琮

字禮用休烈曾孫

初上欲以琮尚永福公主既而中寢宰相請其故上曰  
朕近與此女子食對朕輒折七筯性情如是豈可為士

大夫妻乃更命琮尚廣德公主。

二公主皆帝女。

武寧軍亂。詔以田牟爲節度使。

武寧軍節度使康季榮不恤士卒。士卒譟而逐之。上以田牟嘗鎮徐州。有能名。復以爲帥。一方遂安。

秋八月。帝崩。鄆王漼卽位。

是爲懿宗。

初。上長子鄆王溫無寵。愛第三子夔。王滋欲以爲嗣。爲其非次。故久不建東宮。上餌李元伯等藥。疽發于背。宰相不得見。上密以夔王屬樞密。使王歸長等三人。使立之。獨左軍中尉王宗實素不同心。三人相與謀。出宗實爲淮南監軍。宗實已授敕。將出。左軍副使元元實謂曰。聖人不豫踰月。今日除改。未可辨也。中尉何不一見聖



人而出乎。宗實悟。復入至寢殿。上已崩。東首環泣矣。宗實叱歸長等。責以矯詔。皆捧足乞命。乃迎鄆王。立爲太子。權勾當軍國政事。更名漵。取歸長等殺之。太子卽位。尊皇太后爲太皇太后。

冬十一月。蕭鄴罷。十二月。以杜審權字殷衡。元同平章事。令狐綯罷。以白敏中同平章事。

綯執政歲久。忌勝已者。中外側目。其子湊。頗招權受賄。宣宗崩。言事者競攻其短。至是罷。復以敏中爲相。

南詔僭號。寇陷播州。

初。韋臯開清溪道。以通羣蠻。使入貢。又選羣蠻子弟。聚之成都。教以書數。以羈縻之。旣而軍府厭于廩給。又蠻

使入貢。利于賜與。所從僉人浸多。杜棕奏減其數。南詔豐祐怒。入貢不時。頗擾邊境。豐祐死。子酋龍立。朝廷以名近元宗諱。遂不行冊禮。酋龍乃自稱皇帝。改國號大禮。遣兵陷播州。

懿宗皇帝

庚辰

咸通元年春正月。浙東賊裘甫

孫愐曰。裘本仇氏。因避仇。改作裘。作亂。

初。裘甫攻陷象山。

唐縣。今屬浙江寧波府。

官軍屢敗。觀察使鄭祇

德遣兵討之。大敗。甫遂陷剡縣。

漢縣。宋改曰嵎。今屬紹興府。

開府庫。

募壯士。衆至數千人。時二浙久安。人不習戰。甲兵朽鈍。

見卒不滿三百。祇德更募新卒。遣以擊賊。又大敗。于是

諸盜雲集。衆至三萬。小帥有謀畧者。推劉𢆉。

平曠反。

勇力。



推劉慶劉從簡甫自稱天下都知兵馬使。改元曰羅平。鑄印曰天平。

聲震中原。

葬貞陵。在西安府涇陽縣西北。

司馬氏光曰。宣宗性明察沈斷。用法無私。從諫如流。重惜官賞。恭謹節儉。惠愛民物。故大中之政。訖于唐亡。人思詠之。謂之小太宗。

賀善贊曰。宣宗勵精求治。樂聞正言。用人惟已。往往有可述者。然嫡母以曖昧而不令終。國本以貪吝而不早建。議者每深病之。

三月。以王式為浙東觀察使。發諸道兵討裘甫。破之。

鄭祇德累表告急。朝廷議選將代之。夏侯孜曰。浙東山海幽阻。可以計取。難以力攻。西班中。唐制。凡朝會。文官班于東。武官班于西。

無可語者。王式雖儒家子。前在安南有功。可任也。乃

以爲浙東觀察使召入問以方畧對曰但得兵賊必可破有宦官侍側曰發兵所費甚大式曰兵多賊速破其費省矣若兵少不能勝延引歲月賊勢益張江淮不通

則上自九廟下及十軍

羽林龍武神武神威神策各分左右爲北門十軍

皆無

以供給其費豈可勝計哉上顧宦官曰當與之兵乃發

諸道兵授之式至西陵

注見前

甫遣使請降式曰是必欲

窺吾所爲且欲使吾驕怠耳乃謂其使曰甫面縛以來

當免而死式入越州送鄭祇德樂飲而歸始修軍令式命

諸縣開倉廩以賑貧乏或曰軍食方急不可散也式曰

非汝所知或請爲烽燧以訓賊式笑而不應選懦卒使乘健馬少給之兵以爲

候騎衆怪之不敢問

于是閱諸營見卒及土團子弟

得四千人使導諸軍分路討賊令之曰毋爭險易毋焚



廬舍。毋殺平民。以增首級。脇從者募降之。得賊金帛。官

無所問。自是諸軍與賊十九戰。賊連敗。

先是。式除書下。裴甫聞之不樂。

劉晔曰。宜急引兵取越州。憑城郭。據府庫。遣兵過大江。

掠揚州。還修石頭城而守之。宣歙江西必有響應者。遣

劉從簡以萬人循海而南。襲取福建。如此。國家貢賦之

地。盡入于我矣。有進士王輅在賊中。說甫曰。劉副使

乃孫權所爲。未易成也。不如擁衆據險。陸耕海漁。急則

逃入海島。此萬全策也。甫猶豫不決。及是戰敗。晔曰。曩

從吾謀。寧有此困邪。收輅等進士數人。悉斬之。式謂諸

將曰。賊窘且饑。必逃入海。命羅銳軍海口以拒之。賊皆

棄船走山谷。已復入剡。式曰。賊來就擒耳。命趣諸軍圍

之。賊城守甚堅。三日。凡八十三戰。賊請降。式曰。賊欲少

休耳。益謹備之。賊果復出。又三戰。官軍斷其後。遂擒之。

式斬晔等。械甫送京師。斬之。諸將還越。式大置酒。諸將請曰。公之始至。軍食方急。

王式當一漸積玩疲弊之  
後遂頓我行動中窺伺  
謂不孤往使所論散給軍  
食不燔燧二事亦能發  
餉給所未及至以懦卒為  
候騎則不可為訓蓋侯  
雖不專于戰國而亦  
境得悉情形以歸此豈懦  
者所能辦且懦者若未見  
面目輒張大其事以告豈  
不搖動軍心反致僥事乎  
是雖偶中一時而不可為  
軍行成法也

而遽散之何也。式曰：此易知耳。賊聚穀以誘饑人，吾給  
之食，則彼不為盜矣。且諸縣無守兵，賊至則倉穀適足  
資之耳，不置烽燧何也？式曰：烽燧所以趣救兵也。今兵  
盡行，無以繼之，徒驚士民，使自潰亂耳。使懦卒為候騎，  
而少給兵，何也？式曰：彼勇卒操利兵，遇敵且量，先是  
力而鬪，鬪死則賊至不知矣。皆拜曰：非所及也。

上每以盜賊為憂。夏侯孜曰：王式才有餘，不日告捷矣。

與式書曰：公專以執裘甫為事，軍須

謂行軍所須。

細大。此期

悉力。

謂當盡力應辦。

故式所奏無不從。由是能成其功。

已而孜罷相，以

畢誠同。

平章事。

夏五月，禁州縣稅外科率。

左拾遺薛調言：兵興以來，賦斂無度，所在羣盜。半是逃  
戶，固須翦滅，亦可閔傷。望敕州縣稅外無得科率，從之。  
冬十月，追復李德裕官爵，贈左僕射。



德裕所短乃在門戶標榜  
至其籌邊料敵相業頗有  
足觀故非僧孺貽誚太牢  
可比身後郵贈尚不失畧  
短取長之意第劉鄩以建  
言爲父報答私恩懿宗從  
之是代黨人燭焰揚湯何  
可爲訓

右拾遺劉鄩

字漢藩句容人

上言李德裕父子爲相有聲迹功

效竄逐以來血屬將盡生涯已空宜賜哀憫贈以一官

從之

鄩父三復以文章受知于德裕歷官臺省故鄩言之

十二月南蠻引南詔攻陷交趾

考咸通初南詔再陷交趾一在是年一在四年綱目

于是年不載今依通鑑補輯

先是安南都護李鄩殺蠻酋杜守澄已而鄩越境收取

播州

大中十三年陷南詔非安南巡屬也

杜氏宗黨遂誘羣蠻導引南詔

乘虛攻交趾陷之鄩奔武州

唐書地理志邕管所領有武州後廢省

明年

鄩收集土兵擊羣蠻復取安南朝廷責鄩失守坐貶以

王寬爲經畧使是秋蠻復攻陷邕州

初廣桂容三道共發兵三千人戍邕

三年一代經畧使段文楚請以三道衣糧自募土軍朝廷許之所募纔得五百人文楚入爲金吾將軍李蒙代

爲經畧使。利其闕額衣糧以自入。悉罷遣三道戍卒。止以所募兵戍守左右江。比舊仕減七八。故蠻人乘虛入寇。遂陷邕州。邕州注見前。左右江。南寧江上源之左。右江也。明史地理志。南寧府鬱江在城西南。有左右二小江。來自交趾界。流合焉。其合處曰合江鎮。考左右江之名。始于唐時。蓋指南寧江上流之二江而言。今則以南寧之大江爲左江。柳州之黔江爲右江。段文楚秀實孫。

辛巳二年春正月。白敏中罷。以杜棕同平章事。

用斜封誅譴宰臣。其出涓人指使。不問可知。悰既悉其奸。正當延英面請以懲不軌。庶幾有裨初政。乃以中尉樞密得不自憂爲言。與顧憲手滑者同一調停。伎倆此豈大臣之體。

一日。兩樞密使詣中書。宣徽使楊公慶繼至。獨揖悰出。斜封文書以授。悰發之。乃宣宗大漸時。宦官請鄆王監國奏也。曰。當時宰相無名者。當以反法處之。悰曰。此非臣下所宜窺。復封以授公慶。曰。主上欲罪宰相。當于延英面示聖旨。明行誅譴。公慶去。悰謂兩樞密曰。內外之臣。事猶一體。今主上新踐阼。未熟萬機。當以仁愛爲先。



豈得遽贊成殺宰相事。若習以性成。則中尉樞密豈得不自憂乎。既而事寢。是時士大夫深疾宦官。事有小相涉。則衆共棄之。建州進士葉京。嘗預宣武軍宴。識監軍之面。既而及第。遇之于塗。馬上相揖。因之謗議。誼然遂沈廢終身。其不相悅如此。

秋九月。以孟穆爲南詔弔祭使。

杜棕上言。南詔彊盛。西川兵食單寡。未可輕與之絕。且應遣使弔祭。諭以新王名。犯廟諱。故未行冊命。待其更名謝恩。然後遣使。庶全大體。上從之。會南詔寇鶴州。遂不行。

壬午三年春正月。羣臣上尊號。

二月。南詔復寇交趾。以蔡襲爲經畧使。發兵禦之。

南詔復寇交趾。經畧使王寬累表告急。朝廷以襲代之。

仍發許滑徐汴荆襄潭鄂等道兵合三萬人以授襲兵勢既盛蠻遂引去。

夏四月置戒壇度僧尼。

上奉佛太過怠于政事于禁中設講席自唱經手錄梵夾又數幸諸寺施與無度吏部侍郎蕭倣上疏言之。畧元祖之道慈儉爲先素王之風仁義爲首垂範百代必不可加佛之爲道殊異于此非帝王所宜慕也願陛下時開延英接對四輔力求人瘼虔奉宗祧罷去講筵躬勤政事上不能從。

五月分嶺南東西二道以韋宙蔡京爲節度使。

左庶子蔡京性貪虐多詐時相以爲有吏才奏遣制置嶺南事嶺南舊分五管廣桂邕容安南皆隸嶺南蔡京奏請分爲兩道以廣州爲東道邕州爲西道使韋宙及



京分頭之。蔡襲將諸道軍在安南。蔡京忌之。恐其立功。

奏稱南蠻遠遁。邊徼無虞。請罷戍兵。從之。

襲累奏。羣蠻伺隙。不可無

備。乞留兵五千。不聽。襲作十必死狀。申中書。時相信蔡京之言。終不之省。京為政苛慘。設炮烙之刑。闔境怨之。為軍士所逐。貶崖州司戶。不肯之官。賜死。

秋七月。徐州軍亂。逐節度使溫璋。

造之子。

詔以王式代之。

初。王智興既得徐州。募勇悍之士三千人。以自衛。

號銀刀。雖

旗門槍。挾馬等七軍。常令露刃坐兩廡夾幕之下。

其後節度使多儒臣。其兵浸

驕。小不如意。一夫大呼。其眾和之。節度使即自後門逃

去。田牟至。與之雜坐飲酒。犒賜日以萬計。猶時諠譁。邀

求不已。牟卒。璋代之。驕兵素聞璋性嚴。憚之。璋開懷慰

撫。而驕兵終猜忌。竟聚譟而逐之。時忠武義成兩軍從

王式討裘甫者。猶在浙東。詔式帥以赴徐州。驕兵益懼。式至。視事三日。饗兩鎮將士。遣還。旣而擐甲執兵。命圍驕兵。盡殺之。數千人皆死。救改武寧爲徐州團練使。隸兗海。以蒙州歸淮南。更置宿遷。泗觀察使留二千人守徐州。餘皆分隸兗宿。委式分配將士赴諸道訖。然後將兩道兵至汴滑。遣歸本道。身詣京師。

以夏侯孜同平章事。

孜前出爲西川節度使。至是復相。

癸未四年春正月。南詔陷交趾。經畧使蔡襲死之。

先是。南詔率羣蠻寇交趾。蔡襲告急。敕發荆湖桂管兵赴之。未至。南詔已圍交趾。襲嬰城固守。至是城陷。襲左右皆盡。徒步力戰。身集十矢。欲趣監軍船。船已離岸。遂



溺海死。

荆南將士四百餘人。走至城東水際。虞候元惟德等謂衆曰。吾輩無船。入水則死。不若還與蠻

關。人。以。一。身。易。一。蠻。亦。爲。有。利。遂。南。詔。兩。陷。交。趾。所。殺。還。向。城。縱。兵。殺。蠻。二。千。餘。人。而。南。詔。兩。陷。交。趾。所。殺。

虜且十五萬人。留兵二萬。使其將楊思緒據交趾城。谿

洞夷獠皆降之。詔諸道兵悉召還。保嶺南。

上遊宴無節。左拾遺劉蛻

上疏曰。今西涼築城。南蠻侵軼。陛下不形憂悶。何以責其死力。弗聽。

夏四月。畢誠罷爲兵部尙書。

誠以同列多徇私不法。稱疾辭位。

以康承訓

字敬辭。日知錄。爲嶺南西道節度使。

爲嶺南西道節度使。

先是。蔡京旣誅。以鄭愚節度嶺南西道。旣而蠻寇左右

江。侵逼邕州。愚懼。自言儒臣無將畧。請任武臣。詔以承

訓代之。

五月以楊收

字藏之。發之弟。同平章事。

收與中尉楊元价敘宗相結。故得爲相。

閏六月以曹確

字剛中。河南人。同平章事。

杜審權杜悰相繼罷。

審權爲鎮海節度使。悰爲鳳翔節度使。

確以兵部侍

郎同平章事。

秋七月辛卯朔日食。

八月以閣門使

內官。掌朝會贊引。

吳德應爲館驛使。

臺諫上言。故事御史巡驛。不應忽以內臣代之。上諭以敕命已行。不可復改。左拾遺劉蛻上言。自古明君所尙者。從諫如流。豈有已行而不改。且敕自陛下出之。自陛下改之。何爲不可弗聽。



甲申五年春正月貶起居郎張雲為興元少尹。拾遺劉蛻為華陰令。

初詔以令狐滈為左拾遺。蛻上言。滈專家無子弟之法。布衣行公相之權。雲復言。滈父絢用李涿為安南。致南蠻至今為梗。由滈納賄。陷父子惡。絢執政時。人號滈白衣宰相。滈亦引避。乃改詹事府司直。東宮官。秩正七品。至是。絢為其子訟冤。于是雲蛻皆坐貶。

三月彗星出。

彗出于婁。

婁三星。魯分野。

長三尺。司天監

掌天文。秩三品。

奏按星經。是

名含譽。瑞星也。

晉書天文志。瑞星。三曰含譽。光曜如彗。喜則含譽射。

上大喜。于是

羣臣請宣示中外。編諸史策。從之。

李炎者謂之彗。其諛者謂之含譽。由是觀之。則其為休為咎。固已無定。然世之治與不治。在政之得失。休固不足謂。即咎亦應慎之。于其未見及其既見不已。

晚

承訓先事無料敵之智臨  
事無應變之才賴天平小  
校力爭出奇致勝顧冒功  
掠美親暱皆濫膺爵賞而  
首庸譴不晉一階其何以  
使軍士奮勇效命然彼時  
懿宗獨何為者哉

夏四月南詔寇邕州官軍敗沒加康承訓檢校右僕射。

承訓至邕州不設斥候南詔帥六萬人將入境承訓遣  
六道兵凡萬人拒之敵至不設備五道八千人皆沒惟  
天平軍後至得免承訓不知所為副使李行素帥眾治  
濠柵甫畢蠻軍已合圍諸將請夜分道斫蠻營承訓不  
許有天平小校再三力爭乃許之將勇士三百夜縋而  
出散燒蠻營斬五百餘級蠻大驚解圍去承訓騰奏告  
捷中外皆賀加承訓檢校右僕射子弟親昵皆奏功受  
賞燒營小校不遷一級由是軍中怨怒聲流道路。

秋七月以康承訓為將軍分司高駢

字千里  
崇文孫

為嶺南西道

節度使



韋宙具知承訓所爲。以書白宰相。乃罷承訓。而以張茵代之。茵不敢進。夏侯孜薦驍衛將軍高駢代之。駢頗讀書。好談今古。兩軍宦官多譽之。

冬十一月。夏侯孜罷。以路巖字魯瞻。魏州寇氏人。同平章事。

孜復出爲河東節度使。巖以兵部侍郎同平章事。時年三十六。

乙酉六年春正月。以杜宣猷爲宣歙觀察使。

宦官多閩人。宣猷先爲福建觀察使。每寒食。遣吏分祭其先壟。宦官德之。故有是命。時人謂之敕使墓戶。

冬十二月。太皇太后鄭氏崩。諡孝明。葬景陵之側。祔于別廟。

丙戌七年春三月。成德節度使王紹懿卒。

紹懿在鎮十年。爲政寬簡。軍民便之。疾病。召兄子景崇告之曰。吾兄以汝之幼。以軍政授我。今汝長矣。我復以歸汝。努力爲之。上忠朝廷。下和隣藩。勿墜吾兄之業。言竟而卒。旣而朝廷以景崇爲留後。

夏六月。魏博節度使何弘敬卒。

其子全皞爲留後。

高駢大破南詔蠻。復取交趾。

先是。高駢治兵于海門。未進。監軍李維周惡駢。欲去之。屢趣駢進軍。駢以五千人先濟。約維周發兵進援。駢旣行。維周擁餘衆不發。駢至南定。漢日南郡。唐置漢鹿峯州。唐置漢鹿衆近五萬。方穫田。駢掩擊。大破之。取其所獲以食軍。進擊南詔。屢破之。捷奏至海門。維周皆匿之。奏駢統軍不



進上怒召駢詣闕以王晏權

智興子

代之是月駢復大破

南詔殺獲甚衆遂圍交趾城十餘日蠻困甚城且下

會得王晏權牒卽以軍事授監軍韋仲宰與麾下百餘

人北歸先是駢遣小校曾袞入告交趾之捷至海中望

見旌旗東來云新經畧使與監軍也袞意維周必奪其

表乃匿于島間維周過卽馳詣京師上得奏大喜加駢

檢校工部尙書復鎮安南駢至海門而還晏權闇懦維

周凶貪諸將不爲之用遂解重圍蠻遁去者大半駢至

復督勵將士攻城克之斬首三萬餘級南蠻率衆歸附

者萬七千人

冬十月楊收罷

楊元价兄弟受方鎮之賂。屢有請託。收不能盡從。元价

怒。出之。

後收以受賂事發。長流驩州。賜死。

吐蕃拓跋懷光。斬論恐熱。傳首京師。

吐蕃自是衰絕。乞離胡

即吐蕃佞相所立贊普。事見前。

君臣不知所終。

十一月。以高駢爲靜海軍節度使。

自李涿侵擾羣蠻。爲安南患。殆將十年。至是始平。乃置

靜海軍于安南。以駢爲節度使。

丁亥八年春。二月。歸義節度使張義潮入朝。

先是。義潮克復涼州。至是入朝。命其族子惟深守歸義

三月。以李可及爲左威衛將軍。

上好音樂宴遊。供奉樂工常近五百人。每月宴設。不減

音樂職工而畀以將軍重  
任。爵賞之濫矣。帝爛羊都  
尉曹確切陳直觀訓。謂復



和近事...  
親宣宗...  
收勅...  
去霄...  
...

山桂手徐數千里其間州  
鎮以十數乃惟湖南...  
兵甲山南嚴兵守險此外  
不聞有一發兵捕勦者時  
當積玩之餘縱賊不罪遂  
致坐視淪胥而莫之抹蓋  
唐室之不綱久矣

十餘水陸皆備每行幸內外諸司扈從十餘萬人所費  
不可勝紀可及善為新聲上以為將軍曹確諫曰太宗  
定文武官六百餘員謂房元齡曰朕以待天下賢士工  
商雜流不可處也太和中文宗欲以樂工為王府率拾  
遺竇洵直諫即改光州長史乞別除可及官不從

戊子九年秋七月桂州戍卒作亂判官龐勛將之北還冬十  
月陷宿徐州囚觀察使崔彥曾慎由從父弟十一月詔遣康承

訓發諸道兵討之

初南詔陷交趾敕徐泗募兵二千赴援分八百人別戍  
桂州約三年而代至是戍桂者已六年屢求代還徐泗

觀察使

咸通五年復置

崔彥曾性嚴刻押衙尹戡等用事以軍

帑空虛不能發兵。請令更留戍一年。戍卒聞之怒。都虞候許估等作亂。殺都將王仲甫。推糧料判官龐勛為主。

劫庫兵北還。所過剽掠。州鎮莫能禦。

至湖南。監軍誘輸其兵甲。勛等更出。

私財造之。以山南東道節度使崔鉉嚴兵守要害。不敢入其境。乃泛舟沿江東下。自浙西入淮南。節度使令狐綯遣使慰勞。都押衙李湘曰。徐卒擅歸。勢必為亂。雖無敕令。誅討藩鎮大臣。當臨事制宜。高郵岸峻而水深狹。請將奇兵伏于其側。焚荻舟以塞其前。以勁兵促其後。可盡擒也。縱之度淮。為患必大。綯素儒怯。曰。彼在淮南。不為暴。聽其自過。餘非吾事也。浙西唐浙西節度治潤州。賊沿江而下。由潤州而上。廣陵故云。廣陵淮南節度治高郵。漢縣。明為州。今州屬揚州府。先是朝廷聞亂。遣中使赦其罪。部

送歸徐。復敕崔彥曾慰撫。彥曾遣使喻以敕意。道路相

望。勛等行及徐城。

縣名。注見前。

乃言于眾曰。吾輩擅歸。思見

妻子耳。今聞已有密敕下本軍。至則滅族。與其自投羅



綱曷若相與戮力同心赴湯蹈火豈徒脫禍富貴可圖也衆皆呼躍稱善遂于遞中申狀乞停尹戡等職任仍請戍還將士別置營將彦曾乃數勛罪河都虞侯元密將三千人討之仍令宿州出兵邀擊密至任山在徐州府銅山縣西南頓兵不進欲俟賊至擊之賊謂知乃詭道趣符離漢縣故城在今宿州宿州兵出戰望風奔潰賊遂攻城陷之勛自稱兵馬留後夜掠船順流而下沿汴入淮欲入江湖爲盜比明官軍始覺狼狽追之大敗密及士卒死者殆千人餘皆降于賊賊遂還趣彭城時城中無備或勸彦曾奔兗州彦曾怒曰吾爲元帥城陷而死職也立斬言者俄而賊至城陷囚彦曾殺尹戡等分遣其黨屯據要害縣

鎮遠近羣盜皆倍道歸之。由是賊眾益熾。詔以康承訓

為行營都招討使。王晏權戴可師為南北面招討使。大

發諸道兵以隸之。承訓奏乞沙陀三部落。沙陀薩葛安慶三部。使

朱邪赤心。執宜之子。帥以自隨。詔許之。既而承訓至新興。諸

眾寡不敵。退屯宋州。可師將兵渡淮。轉戰而前。恃勝不

設備。賊眾數萬。奄至縱擊。官軍大敗。可師及監軍皆死。

晏權兵數退。朝廷以曹翔代之。

新興鎮名。在歸德府永城北。

十二月。龐勛遣其黨陷滁和州。攻泗州。不克。泗州。隋置。今隸安徽。和州。

泗州注。俱見前。

初。辛雲京之孫讜。寓居廣陵。喜任俠。年五十。不仕。與泗

州刺史杜怡。怡之弟。有舊。及龐勛亂。讜詣怡。勸避之。怡曰。

安平享其祿位。危難棄其城池。吾不為也。誓與將士共



死此城。讜曰：公能如是，僕當與公同死。乃還廣陵。與其

家訣。復如泗州。先是，龐勛以泗州當江淮之衝，遣其將

李圓攻之。怡預完守備，賊不能克。及是，勛益發兵，使吳

迥代圓進攻。晝夜不息。時敕使郭厚本將淮南兵救泗

州，至洪澤。

湖名。在淮安府山陽縣西南，與泗州盱眙接界。湖東舊有鎮，為南北要衝。後因全淮漕注。

久已湮廢。畏賊彊不敢進。讜夜乘小舟潛度，說厚本往還者

再。厚本將許之。都將袁公弁

唐書作晃。

曰：賊勢如此，何暇救

人。讜拔劍瞋目。

謂公弁曰：泗州陷在旦夕。君受詔救援，乃逗留不進。上辜國恩，雖生可羞。且泗

不守，則淮南為寇場。君尚能獨存邪？吾今當殺君而去。

直前擊之。厚本急抱止之。

公弁僅免。讜乃回望泗州，慟哭終日。士卒皆為之流涕。

厚本乃分五百人與之。讜帥以濟。怡亦出兵，表裏擊賊。

賊遂敗走。已而賊陷都梁城。

執郭厚本。都梁城在今盱眙縣東南都梁山上。

據淮口。分兵南寇舒廬。北侵沂海。攻陷滁州。

殺刺史高錫望。又

掠和州。

刺史崔雍引賊入城。賊遂大掠。

泗州援絕糧盡。讜夜帥敢死士

十人。執長柯斧。乘小舟。破賊水寨而出。明日賊以衆追

之。讜力鬪三十餘里。乃得免。至揚州。

淮南節度治。

見令狐綯。

至潤州。

浙西節度治。

見杜審權。時皆傳泗州已陷。及讜至。審

權乃遣兵二千人。與淮南共輸鹽米。以救之。

明年正月。讜以浙西

軍至楚州。

賊水陸布兵。鏢斷淮流。讜募敢死士。先以四

舟乘風直進。

死戰。斧斷其鏢。乃至州。後軍爲賊所阻。讜

還迎之。

揚旗鼓譟而前。賊見其勢猛銳。避之。軍乃入。已

而讜復帥

驍勇四百。迎糧于揚潤。賊夾岸攻之。讜轉戰

百餘里。

乃得至廣陵。止于公館。不敢入家。舟載鹽米二

萬石。錢萬三千緡。還至斗山。賊將帥衆萬餘。密布戰艦

以拒之。自卯戰至未。官軍不利。讜令勇士乘小舟入賊

艦旁。戰棚之下。以槍揭火牛焚之。賊皆潰走。官軍所載



乃得入城。○楚州。注見前。斗由在盱眙縣東北。陡臨淮水。故亦曰陡山。戰棚。縛木于艦旁。出四五尺。謂之戰棚。其形若牛。故名。

是歲江淮旱蝗。

己丑十年春正月。同昌公主適右拾遺韋保衡。字蘊用。京兆人。

公主郭淑妃之女。上特愛之。傾宮中珍玩以爲資送。賜第牕戶。皆飾以雜寶。并欄藥曰。亦以金銀爲之。賜錢五百萬緡。他物稱是。

二月。康承訓敗賊于鹿塘。寨名。在歸德府永城縣東南。

承訓將諸道兵七萬餘人屯柳子。此鳳陽之柳子鎮也。在今宿州西。

西自新興至鹿塘三十里。壁壘相屬。使朱邪赤心將沙陀三千騎爲前鋒。陷陳邽敵十鎮之兵。服其驍勇。承訓

數與賊戰敗之。賊將自矜淮口之捷。

謂破戴可師。

令三萬人

夜襲鹿塘寨。黎明圍之。自謂功在漏刻。沙陀左右突圍。

出入如飛。賊紛擾移避。沙陀縱騎蹂之。賊遂大敗。官軍

感之于淮水。

注見前。

溺死者不可勝計。自鹿塘至襄城。

當

作相。今宿州北有相城。古相縣也。

伏屍五十里。斬首二

萬餘級。

初。龐勛募人為兵。人利其剽掠。皆斷鋤首而銳之。執以應募。已而官軍大集。宋州應募者少。勛

乃驅人為兵。斂富室及商旅財。十取八九。民不聊生。始厭苦之。會有敕。諸軍破賊。得農民皆釋之。由是賊每與

官軍遇。其驅掠之民先自潰。

夏四月。龐勛殺崔彥曾。自稱天冊將軍。與官軍戰。大敗。

康承訓進與賊將姚周戰。一日數十合。沙陀以精騎邀

之。屠殺殆盡。周奔宿州。勛守將梁丕斬之。勛聞之大懼。



議自將出戰。周重

素以才畧自負。勛迎爲上客。

曰：不若遂建大號。悉

兵四出，決死力戰。殺崔彥曾以絕人望。勛以爲然。殺彥

曾及募僚溫庭皓。

彥博裔孫。庭筠弟。

監軍郭厚本等。

勛陷彭城。召庭皓

草表求節鉞。庭皓請還家草之。明日庭皓見勛曰：昨所

以不卽拒者，歸與妻子訣耳。今謹來就死。勛笑曰：書生

敢爾不畏死邪？龐勛能取徐州，何患無人？選丁壯得三

萬人，給以精兵。許佶等推勛爲天冊將軍。勛以父舉直

爲大司馬，留守徐州。

或曰：將軍方耀兵威，不可以父子之親失上下之節。乃令舉直趨拜

于庭。勛據案而受之。先是，魏博何全皞遣兵助官軍討賊，屯于豐

及是，勛擊敗之，約諸寨兵合五六萬人，乘勝攻柳子。

賊本

所屯。賊敗。官軍守之。康承訓設伏以待之。賊兵先至者，遇伏敗走。

勛所將皆不戰而潰。承訓命諸將急追之。賊狼狽自相

蹈藉死者數萬人。勛走歸彭城。

馬舉將兵救泗州。賊衆大敗。泗州圍解。

先是戴可師戰死。詔以前天雄軍

本魏博軍號。自田悅拒命遂削罷之。咸通

四年復置天節度使馬舉代爲南面招討使。

通鑑不載馬舉官爵

今依唐書帝紀補輯再考康承訓傳舉作士舉又令狐綯傳舉以右衛大將軍代綯鎮淮南吳鎮糾繆以名與官號紀傳不同莫知孰是今按紀傳原文蓋舉以節度使罷爲將軍復出爲招討使故紀稱前也至于舉作士舉乃傳錄之訛耳至是舉將精兵三萬救泗州分軍三道渡淮

至中流大譟聲聞數里賊大驚斂兵屯城西寨舉就圍

之縱火燒柵賊衆大敗吳迴退保徐城泗州之圍始解

泗州被圍凡七月守城者不得寐面目皆生瘡已而吳迴竄據濠州馬舉攻破之迴走此

五月陝民作亂逐觀察史崔甕



蕤以器韻自矜。不親政事。民訴旱。蕤指庭前樹曰。此尚有葉。何旱之有。杖之。民怒。逐之。蕤走。渴求飲。民以溺飲之。先是懷州刺史劉仁規亦以民訴旱。揭榜禁之。民遂作亂。逐仁規。後光州民復逐其刺史李弱翁。右補闕楊堪等上言。刺史不道。百姓負冤。當訴于朝廷。寘諸典刑。豈得羣聚。擅自斥逐。此風不可長。宜加嚴誅。以懲來者。

以劉瞻

字幾之。桂陽人。

同平章事。

先是蕭寘

復之孫。五月相。

高據

字瑩之。少逸兄。元裕子。六年四月相。

徐商

六年六月

相于琮

八年七月相。

相繼同平章事。

寘據在位皆不久卒。商

至是出為荆南節度使。瞻素有清節。劉瑑作相。以宗人

遇之。薦為翰林學士。商既罷。瞻遂相。

秋八月。賊將張元稔以宿州降。引兵進平徐州。

初。龐勛怒梁丕殺姚周。使張元稔代之。以其黨張儒。張實等。將城中兵數萬拒官軍。至是。康承訓乘勝進抵宿州。攻之。不能克。遣辯士招諭之。元稔嘗戍邊有功。雖脇從于賊。心常憂憤。召所親數十人謀歸國。衆多從之。乃勒兵斬儒等。開門出降。承訓卽宣敕拜御史中丞。賜遺甚厚。元稔復言。今舉城歸國。四遠未知。請詐爲城陷。引衆趣符離。及徐州。賊黨不疑。可盡擒也。承訓許之。元稔復入城。暮發平安火。明日。積薪數千束。縱火焚之。如城陷軍潰之狀。直趣符離。符離納之。斬其守將。收其兵。北趨徐州。圍之。喻城上人曰。朝廷唯誅逆黨。不傷良人。汝曹奈何爲賊城守。于是守城者稍稍棄甲投兵而下。崔



彥曾故吏路審中開門納官軍。龐舉直許佶自北門出。  
元稹遣兵追斬之。悉誅戍桂州者。親屬皆死。徐州遂平。  
勛將兵二萬自石山。卽石佛山。在徐州府銅山縣南。出承訓引步騎八  
萬西擊之。使朱邪赤心將數千騎爲前鋒。勛襲宋州。陷  
其南城。南掠亳州。沙陀追及之。官軍亦大集。縱擊殺賊  
近萬人。餘皆溺死。勛亦死。數日乃獲其屍。賊諸寨皆殺  
其守將而降。賊旣平。張元稹入爲右驍衛大將軍。康承  
訓爲河東節度使。加同平章事。杜悞爲義  
成節度使。

冬十月。以朱邪赤心爲大同軍節度使。賜姓李。名國昌。辛  
讜爲亳州刺史。

上嘉赤心之功。置大同軍于雲州。注見前。以赤心爲節度

使召見。賜姓名。賞賚甚厚。謹先在泗州。犯圍出迎兵糧。往返凡十二。及除亳州。上表言。臣之功。非杜慆不能成也。國昌尋徙鎮振武。

流陳蟠叟于愛州。

注見前。

上荒宴不親庶政。委任路巖。巖奢靡。頗通賂遺。至德

唐縣。

五代吳改建德。今屬池州府。

令陳蟠叟上書言事。召對。請破邊威一

家。可贍軍二年。上問咸爲誰。對曰。路巖親吏。上怒。流之。

自是無敢言者。

庚寅十一年春正月。羣臣上尊號。

貶康承訓爲恩州

唐置。今肇慶府恩平縣是。司馬。

路巖韋保衡上言。承訓討龐勛時。逗撓不進。又貪虜獲。



不時上功貶之。

二月南詔攻成都。

初鳳翔少尹李師望請置定邊軍。

師望言。雋州當南詔要衝。成都道遠。難以

節制。請建定邊軍。屯重兵。于雋州。以邛州為聖所。詔從之。即以師望為節度使。

師望建義。從利。專制方面。其實邛距成都。已而南詔驃

百六十里。雋距邛尚千里。其欺罔如此。信蠻語也。酋龍。傾國八寇。陷嘉。今四川嘉黎雅。見前。州。李

之鎮四川也。南詔遣清平官董成等詣成都。故事。南詔

使見節度使。拜伏于庭。成等以南詔已僭號。欲抗禮。福

怒囚之。已劉潼代福。奏遣還國。于是南詔遣使來謝。李

師望欲激怒南詔。以求功。遂殺之。定邊將士怒師望貪

殘。欲主食之。陰遣人致意南詔。教使入寇。師望以計免

詔以竇滂代之。滂貪殘更甚于師望。定邊大困。會蠻寇

至。陷嘉州。滂禦之大渡河。諸將結至是西川民聞蠻寇

陳將戰。滂單騎宵遁。蠻遂陷黎雅。將至爭走八成都。則戴箕益白鹿。城中井為之竭。取摩

訶池泥寸澄而飲之。摩訶池舊在成都府城內。今堙。節度使盧耽與前瀘州唐置

今隸刺史楊慶復共修守具。選將校募驍勇之士厚給

糧賜得三千人號曰突將。蠻進軍定邊北境耽遣使致

書其用事之臣。杜元忠問所以來之意。蠻以耽待之恭為

之盤桓。由是成都守備粗完。蠻進陷雙流。隋縣。今屬成都府。抵

成都。時興元。鳳翔援軍已至漢州。曾寶滂奔漢州。自以失地欲西川相繼陷沒。以分其責。每遇援軍輒說

不敢進。蠻眾多于官軍數十倍。諸將皆越數日。蠻合梯衝四

面攻城。楊慶復等悉力拒守。帥突將出戰俘斬二千餘

人焚其攻具。蠻稍卻。蜀人素怯。突將利於厚賞。勇氣自倍。其不得出者皆憤鬱求奮朝

廷以顏慶復為東川節度使。援蜀諸軍皆受節制。取寶

州司顏慶復至新都。漢縣。今屬成都府。蠻分兵來拒慶復擊破



之將軍宋威繼至會戰蠻軍又大敗威遂進軍距成都

二十里

方成都圍急盧耽請遣使與蠻和詔以太僕卿支詳為宣諭通和使詳至蠻遣使迎之詳謂曰

受詔約和翼不犯成都也今久在軍夜相交何謂和乎既而蠻屢敗數遣使請和城中依違答之

急攻城會官軍已至城下蠻夜燒攻具遁去比旦官軍

乃覺

威

飯士欲追之顏慶復忌其功朝廷使顏慶復救成都命威為後繼

威乘勝先至城下故慶復疾之牒威還漢州蠻至雙流阻水狼狽造橋

三日乃得過蜀人甚恨之然自是成都有備

成都舊無壕塹顏慶

復始教築壅門城穿塹引水滿之又植鹿角分營鋪壅門城門之外別築塹以遮城門謂之壅門鹿角斬木

為之環列于城外以限衝突蠻亦不復來犯矣西川牙

營士卒所居鋪候望所守補官者堂帖人輪堂例錢三百緡貧者苦之

堂帖沈括曰唐中書指揮事謂之堂帖

夏四月以韋保衡同平章事

曹確罷保衡代

保衡以右拾遺尚主尋遷翰林學士至是纔歲餘遂相  
秋八月魏博殺其節度使何全皞

全皞年少驕暴好殺軍中作亂全皞單騎走追殺之何

進滔得魏博至全皞傳推大將韓君雄魏州人為留後成

德節度使王景崇為請旌節詔許之君雄後賜名允中乾符初卒子簡為

留後

同昌公主卒貶劉瞻為驩州司戶溫璋為振州唐置治寧遠故城在

今崖州司馬

同昌公主卒諡文懿上痛悼不已殺醫官二十餘人收其

親族三百餘人繫獄宰相劉瞻召諫官言之莫敢進乃

自奏之畧曰修短之期人之定分昨公主有疾醫官非不盡心而禍福難移竟成蹉跌械繫老幼物議



澗愛厚殉其終自不待言  
然如百二十輿三十餘里  
云云猶暴殄情事所有至  
所云舞罷珠璣覆地則理  
所必無夫數百人之首飾  
安得如許雜寶即誠有之  
亦豈能覆三十里之遠蓋  
斯云村之不善作史者形

沸騰奈何以達理知命上覽奏不悅瞻又與京兆尹溫

璋等力諫上大怒叱山之瞻尋罷為荆南節度使璋貶

振州司馬璋歎曰生不逢時死何足惜仰藥卒韋保衡

又與路巖共譖瞻云與醫官通謀投毒藥貶康州刺史

翰林學士承旨鄭畋草制曰安數畝之居仍非已有卻

四方之賂惟畏人知巖謂畋曰侍郎乃表薦劉相也坐

貶梧州刺史鄭巖素與瞻議論不協既貶猶不快閱

十道圖以驩州去長安萬里再貶之明年正月葬同昌

百二十輿錦繡珠玉輝煥三十餘里樂工李可及作歎

舞罷珠璣覆地

冬十一月以王鐸字昭範同平章事鐸韋保衡及第時主文也

司謂之主文保衡緣恩倖

容而甚鮮耳

徐州府志卷之六十二

三

輔政。以由鐸得進士。事之甚謹。然鐸素薄保衡。保衡亦

病鐸在政府。持其事不得肆。遂譖之。鐸後出為宣武節

度使。

鐸罷相在十四年六月。

復以徐州為感化軍。

先是。徐州賊平。置徐泗都團練防禦使。既而餘賊相聚。

問甲為羣盜。上用廷臣議。

太子少保李膠等言。使名雖降。兵額尚存。以為支郡。則糧

餉不給。分隸別藩。則人心未服。宜有更張。庶為兩便。從之。徐州仍為觀察使。統徐濠宿三州。

泗州別為團練使。

割隸淮南。

至是。復以徐州為節度使。名感

化軍。

辛卯

十二年夏四月。路巖罷。

巖與韋保衡素相表裏。勢傾天下。

時目其黨為牛頭阿旁。言如鬼陰惡可畏。



也。既而爭權有隙。保衡遂短巖于上。出鎮西川。巖出城。

瓦礫擲之。巖謂權京兆尹薛能曰。臨行煩以瓦礫相餞。能曰。向來宰相出。府司無例。發人防衛。巖甚慙。薛能字大拙。汾州人。

五月上幸安國寺。

賜寺僧沈檀講坐二各高二丈。設萬人齋。

冬十月以劉鄴同平章事。

鄴素附韋保衡。路巖巖既罷。鄴以禮部尚書相。仍判度支。

壬辰十三年春正月。幽州節度使張允伸卒。

允伸鎮幽州二十三年。勤儉恭謹。邊鄙無警。上下安之。得疾請委軍就醫。許之。以其子簡會為留後。允伸病甚。

表納旌節而卒。已而平州刺史張公素

范陽人。

以兵來會

喪。公素素有威望，為幽州人所服。簡會懼，奔京師。詔以

公素為留後。

尋授節度使。

二月，于琮罷，以趙隱

字大隱，京兆奉天人。

同平章事。夏五月，貶琮為

韶州刺史。

琮為韋保衡所譖，罷相。再貶韶州。琮妻廣德公主上之

妹也，與琮偕之韶。行則肩輿，門相對，坐則執琮之帶。琮

由是獲全。

時諸公主多驕縱，惟廣德動遵法度。事于氏宗親，無不如禮，內外稱之。

秋七月，以李璋為宣歙觀察使。

韋保衡欲以其黨裴條為郎官，憚左丞李璋方嚴，恐其

不放上。

郎官除授非人，丞得糾劾，不令上官。

先遣人達意。璋曰：「朝廷遷除，



不應見問。保衡怒。出之。

八月。歸義節度使張義潮卒。以其長史曹義金代之。

是後中原多故。朝命不及。回鶻陷甘州。餘州亦爲羌胡所據。

癸巳十四年春。正月。遣使迎佛骨。夏。四月。至京師。

上遣敕使詣法門寺迎佛骨。羣臣諫者甚衆。至有言憲宗迎佛骨尋宴駕者。上曰。朕生得見之。死亦無恨。及至京師。儀衛之盛。過于郊祀。上降樓膜拜。流涕霑臆。迎入禁中。宰相已下。競施金帛。因下德音。降中外繫囚。

秋。七月。帝崩。普王儼帝第五子。卽位。是爲僖宗。

上疾大漸。中尉劉行深。韓文約。立上少子普王儼爲皇

太子權勾當軍國政事。帝崩。太子卽位。時年十二。

八月。關東。河南。大水。

九月。貶韋保衡爲賀州刺史。尋賜死。

冬。十月。以蕭倣同平章事。

倣前鎮義成。

治滑州河患。民賴以安。

入爲兵部尚書。至是遂相。

僖宗皇帝

甲午乾符元年春正月。關東旱饑。

翰林學士盧攜

字子升。鄭州人。

上言曰。國家之有百姓。如草木

之有根柢。若秋冬培溉。則春夏滋榮。今關東旱災。所至

皆饑。人無依投。待盡溝壑。其蠲免餘稅。實無可徵。而州

縣督趣甚急。動加撻撻。雖撤屋伐木。雇妻鬻子。止可供



所由謂督催之吏卒酒食之費未得至于府庫也。朝廷儻不撫

存。百姓實無生計。乞敕州縣一切停徵。仍發義倉。亟加

賑給。敕從其言。而有司竟不能行。

賜路巖死。

巖先貶新州注見前刺史。巖喜聲色遊宴。在西川委政于親吏邊咸郭籌軍中不安坐貶

在道削官。長流儋州。注亦見前尋賜死。巖之為相也。密奏三品以上賜死。皆令使

者剔取結喉三寸以進。驗其必死。至是自罹其禍。所死

之處。乃楊收賜死之榻也。邊咸郭籌皆伏誅。初巖自淮南崔鉉幕府入為御史。不出長安。十年至宰相。其入翰林也。鉉聞之曰。路十已入翰林。如何得老。果如其言。

二月葬簡陵。在西安府富平縣西北。

賀善贊曰。懿宗即位十四年。無一善可紀。是以內盜迭興。南詔再亂。民逐其上。而唐室大壞矣。

夏五月。以劉瞻同平章事。秋八月卒。

和州人王仙芝作亂  
十一  
瞻之貶也。人無賢愚，莫不痛惜。及還，長安兩市人率錢雇百戲迎之。瞻聞之，改期。由他道而入。初，瞻南遷，劉鄴短之于韋路。至是，鄴懼，延瞻置酒。瞻歸而卒，人以爲鄴鳩之也。

以崔彥昭

字思文  
羣從子

同平章事。

自楊收、路巖、韋保衡皆以朋比受賂得罪。及是，蕭倣秉政，彥昭輔之。頗革前弊，彥昭察而不煩。時論稱之。

冬十月，劉鄴罷。以鄭畋、盧攜同平章事。

蕭倣、崔彥昭素惡鄴，故罷畋、攜。同時並相。

十一月，羣臣上尊號。

濮州人王仙芝作亂。



自懿宗以來奢侈日甚。用兵不息。賦斂愈急。關東連年水旱。州縣不以實聞。百姓流殍。無所控訴。相聚爲盜。所在蜂起。州縣兵少。人不習戰。每與盜遇。官軍多敗。是歲。

王仙芝聚衆數千人。起于長垣。

漢縣。今屬大名府。

乙未

二年春正月。以高駢爲西川節度使。

先是南詔寇大渡河。遂陷黎州。入邛峽關。

在雅州府榮經縣西。寰宇

記。關約山據險。控扼蕃夷要害。

成都大震。驃信遺節度使牛勣書云。欲

入見天子。面訴冤抑。今假道貴府。留止數日。叢素懦怯。

欲許之。楊慶復以爲不可。斬使者。留二人遣還。授以書。

詈辱之。蠻兵乃退。詔高駢詣西川制置蠻事。尋以爲節

度使。駢至劍州。先遣使開成都門。或諫曰。蠻寇逼近。萬

駢初至西川諸事頗中機  
畧顧漫信妖術焚紙散豆  
遂墮軍士之心且停廩省  
官復濟以嚴酷浸致突將  
譟亂勝謝既乖大體羣戮  
濫及多人豈良將所為哉

一狶突奈何駢曰蠻聞我來逃竄不暇何敢輒犯成都  
今春氣向暖數十萬人蘊積城中將成癘疫不可緩也  
使者至縱民出城各復常業民大悅蠻方攻雅州聞之  
遣使請和引去駢發兵追至大渡河殺獲甚衆擒其酋  
長數十人修復邛崃關大渡河諸城柵各置兵數千戍  
之自是蠻不復入寇蠻之寇大渡河也防河兵馬使黃  
景福再戰再勝會蠻發國中兵繼  
至景福力戰無救軍遂潰至是  
楊慶復所募突將以守成都功  
優給右職駢悉令納牒  
停其廩給突將皆憤怨駢好妖  
術每發兵焚紙畫人馬  
散小豆曰蜀人懦怯今遣元女  
助兵軍士耻之駢又停  
省吏官刑罰嚴酷由是突將因  
之作亂大譟入府駢走  
匿廁間監軍遣人招諭許復職  
名廩約乃肯還營駢勝  
謝突將而陰籍其名尋使人掩  
捕殺之老幼無遺凡數千人

以田令孜

蜀人本姓陳氏

為中尉



上之爲普王也。小馬坊使田令孜有寵。及卽位。使知樞密。遂擢爲中尉。上專事遊戲。政事一委令孜。呼爲阿父。令孜頗讀書。多巧數。納賄除官。不復關白。每見。常自備果食。與上對飲。啗。上與內園小兒狎昵。賞賜動以萬計。府臧空竭。令孜說上籍兩市商貨。悉輸內庫。有陳訴者。付京兆杖殺之。宰相以下。鉗口不敢言。

浙西鎮遏使王郢作亂。

先是趙隱出鎮浙西。

在元年二月。

鎮遏使王郢等有戰功。隱

賞以職名。而不給衣糧。郢等遂劫庫兵作亂。收衆萬人。攻陷蘄。常州。泛江入海。轉掠二浙。南及福建。大爲人患。後裴璩爲浙西節度使。密招郢黨降之。散其徒六七千人。郢收餘衆走明州。鎮遏使劉巨容射殺之。餘黨皆平。

裴璩。諱從曾孫。

劉巨容。徐州人。

夏五月。同平章事蕭傲卒。六月。以李蔚字茂休。隴西人。同平章事。

時天下盜起。宦官持兵柄。傲以鯁直見忌。及卒。蔚代之。

王仙芝陷濮曹州。免句。

漢縣。金廢。故城在今曹州府菏泽縣。

人黃巢聚眾應

之。

仙芝及其黨尚君長攻陷濮曹州。天平節度使薛崇出

兵擊之。不利。冤句人黃巢善騎射。喜任飲。麓涉書傳。屢

舉進士不第。遂與仙芝共販私鹽。至是聚眾應之。攻剽

州縣。民之困于重斂者。爭歸之。數月之間。眾至數萬。

秋七月。大蝗。

飛蝗蔽日。所過赤地。京兆尹楊知至汝土子。奏蝗不食稼。



皆抱荆棘而死。宰相以下皆賀。

冬十月。貶董禹爲柳州司馬。

右補闕董禹諫上遊畋擊毬。上賜金帛以褒之。邠寧節

度使李侃奏爲假父求贈官。

侃爲宦者假子。

禹上疏論之。語侵

宦官。樞密使楊復恭

本姓林氏。爲楊欽義養孫。

等訴于上。遂坐貶。

十二月。以宋威爲諸道行營招討使。

王仙芝寇沂州。平盧節度使宋威請帥兵討賊。故有是

命。仍詔諸道兵並取處分。

丙申三年春正月。天平軍亂。詔本軍宣慰之。

天平軍遣將士張晏等救沂州還。聞北境有盜。使留扞

禦。晏等不從。誼譟趣府。都將張思恭出城慰諭。然後定。

中唐以來。惟元和奮發有  
爲。餘皆孱弱不振。致藩鎮  
跳梁。亂軍狂獬。殆無虛日。

朝廷蒿目誰何漸成癢痺  
之勢胡三省以姑息責之  
其說似是而非蓋姑息云  
者能制而不制之謂若唐  
室陵夷直是異首畏尾自  
顧不暇誰止優柔貽患而  
已哉

詔本軍宣慰無得窮詰

胡三省曰唐自中葉以來姑息藩鎮至其末也姑息亂軍遂陵

夷以至  
于亡

二月令天下鄉村各置弓刀鼓板以備羣盜

三月崔彥昭罷以王鐸同平章事

彥昭罷為太子太傅鄭畋數推鐸遂以左僕射復相

夏五月以李可舉為盧龍節度使

初可舉父茂勲

同鶚阿布思之裔以軍功賜姓名

逐張公素而代之至

是茂勲致仕請以軍授可舉從之

六月雄州

唐置後廢故城在寧夏府靈州

地震裂水涌出

壞州城及公私廬舍皆盡

秋七月宋威擊王仙芝于沂州大破之



宋威擊王仙芝大破之。仙芝亡去。威奏仙芝已死。縱遣

諸道兵。百官皆入賀。居二日。州縣奏仙芝尚在。攻剽如

故。時兵始休。詔復發之。士皆憤怒思亂。仙芝尋陷汝州。又陷陽武。鄭州。

復攻唐鄭。

詔忠武節度使崔安潛字進之。慎由弟。發兵討王仙芝。

九月乙亥朔日食。

冬十二月王仙芝寇淮南諸州。

鄭畋上言。自沂州奏捷之後。仙芝愈肆猖狂。屠陷五六

州。瘡痍數千里。宋威衰病。殊無進討之意。曾元裕望風

退縮。崔安潛威望過人。張自勉驍勇良將。宮苑使李琢。

西平王晟之孫。嚴而有勇。請以安潛爲行營都統。琢爲

招討使代威。自勉爲副使。代元裕。上頗采其言。

以王仙芝爲神策押牙。不受。

王仙芝攻蘄州。以書與刺史裴渥。約斂兵不戰。渥許爲之奏官。開城延仙芝。及黃巢輩入。置酒厚贈之。表陳其狀。詔以仙芝爲左神策軍押牙。仙芝甚喜。黃巢以官不及已。大怒曰。始者共立大誓。橫行天下。今獨取官而去。使此五千餘衆。安所歸乎。因毆仙芝傷首。其衆誼譁不已。仙芝遂不受命。大掠蘄州。分其軍三千餘人從仙芝。及尚君長。二千餘人從巢。分道而去。

丁酉四年春二月。南詔酋龍死。子法立。請和許之。

酋龍爲邊患。殆二十年。及是死。子法立。好畋獵。酣飲委。



國事于大臣嶺南西道節度使辛讜奏南詔請和且言  
諸道兵戍邕州歲久餽餉疲弊請許其和使羸瘵息肩  
詔許之但留荆南宣歙數軍餘減六七先是高駢奏遣  
僧景仙託遊行  
入南詔說諭酋龍許以公主妻之時駢方築成都羅城  
恐蠻寇驚役又以蠻俗尚浮屠故遣景仙往西龍果禮  
之信用其言已而法立請和親無表但令督爽牒中書  
請為弟而不稱臣禮部侍郎崔澹等言南詔驕僭無禮  
高駢不達大體因一僧咕囁卑辭誘致其使若從其請  
恐垂笑後代駢上表與澹等辨詔諭解之後辛讜復遣  
攝巡官徐雲虔如南詔牒使稱臣奉表貢方物法見雲  
虔與抗禮謂曰南詔已與唐約為兄弟不則舅甥何表  
貢之有雲虔曰驃信之先由大唐之命得合六詔為一  
恩德深厚中間小忿罪在邊鄙今驃信欲修舊好豈可  
違祖考之故事乎順祖考孝也事大國義也息戰爭仁  
也審名分禮也四者皆令德也可不勉乎驃信待雲虔  
甚厚比還授以木夾二一上中書門下一牒嶺南西道  
然猶未肯奉表稱貢崔澹博陵人督爽南詔有幕爽  
琮爽等官分理諸務其相  
督之木夾所以夾文書者

夏四月壬申朔日食。

秋七月王仙芝黃巢圍宋州。

仙芝陷鄂州。巢陷鄆州。沂州。至是合軍圍宋威于宋州。將軍張自勉將忠武兵七千救之。殺賊二千餘人。賊解圍遁去。王鐸盧攜欲使自勉以所將兵受宋威節度。鄭畋以爲威與自勉素有疑忿。若在麾下必爲所殺。不肯署奏。遂皆求罷免。不許。

鹽州作亂。逐刺史王承顏。詔貶承顏象州。

唐置今屬柳州府。

司戶

承顏素有政聲。以嚴肅爲驕卒所逐。朝廷與貪暴致亂者同貶。時人惜之。

冬十一月王仙芝遣尚君長請降。宋威執之以獻。斬之。



招討副都監楊復光。

閩人宦官楊元价養子。

遣人說諭王仙芝仙

芝遣尚君長等請降。宋威遣兵劫取以獻。奏與戰生擒。

復光奏君長實降。詔御史鞠之。竟不能明。遂斬之。

江州刺史劉秉仁斬賊帥柳彥璋。

彥璋王仙芝別將。襲陷江州。執刺史陶祥。使上表請降。

敕以彥璋為將軍。令眾散。以劉秉仁為刺史。彥璋擁眾。

剽掠如故。至是。秉仁乘驛之官。單舟入賊水寨。彥璋出。

不意。即迎拜。秉仁斬之而散其眾。

戊戌五年春正月。王仙芝寇荆南。

王仙芝寇荆南。節度使楊知溫。

知至兄。不設備。賊陷羅城。

知溫猶賦詩。山南東道節度使李福自將救之。時有沙

陀五百在襄陽。福與之俱。至荆門。

唐縣。五代高氏于此置軍。元改爲州。今屬

安陸府。

遇賊。沙陀縱騎奮擊。破之。仙芝聞之。焚掠而去。死

者什三四。

招討副使曾元裕大破王仙芝于申州。詔以爲招討使。張白勉副之。

先是。鄭畋與王鐸。盧攜爭論用兵于上前。畋不勝。退上奏曰。自王仙芝俶擾。崔安潛首請討之。賊不敢犯其境。又以兵授張白勉。解宋州圍。使江淮漕運流通。不輸寇手。今罷白勉。而以所將兵七千人隸宋威。威復奏加誣毀。若勅寇忽至。何以杖梧。臣請以四千人授威。餘三千人。使白勉將之。守衛其境。盧攜不以爲然。上不能決。畋



復上言。宋威欺罔朝廷。敗衄狼籍。宜正軍法。不從。至是。元裕大敗仙芝。殺萬人。招降散遣者亦萬人。乃罷威。而以元裕爲招討使。自勉副之。

大同軍亂。殺防禦使段文楚。推李克用爲留後。

振武節度使李國昌之子克用。爲沙陀副兵馬使。戍蔚

州。時河南盜賊蜂起。雲州沙陀兵馬使李盡忠與牙將

康君立。

興唐  
人。

薛志勤。

卽薛鐵山。  
奉誠人。

程懷信。李存璋。

字德黃。  
雲州人。

等謀曰。今天下大亂。朝廷號令。不復行于四方。此乃英

雄立功名。取富貴之秋也。李振武功大官高。名聞天下。

其子勇冠諸軍。若輔以舉事。代北不足平也。衆以爲然。

會代北薦饑。漕運不繼。防禦使段文楚頗減軍士衣米。

軍士怨怒。盡忠遣君立潛詣蔚州。說克用起兵。除文楚而代之。克用曰。吾父在振武。俟我稟之。君立曰。今機事已泄。緩則生變。于是盡忠夜執文楚繫獄。克用率其衆趣雲州。行收兵。衆且萬人。盡忠送符印。請克用爲留後。而殺文楚。克用遂入府視事。表求救命。朝廷不許。國昌上言。請速除防禦使。若克用違命。臣請帥本道兵討之。終不愛一子。以負國家。朝廷乃以盧簡方爲防禦使。詔國昌語克用。令迎候如常儀。除克用官。必令稱愜。李克用始此

二月。曾元裕大破王仙芝于黃梅。隋縣。今屬黃州府。斬之。

元裕大破仙芝。殺五萬餘人。斬仙芝首傳京師。餘黨散。



去。

黃巢自稱衝天大將軍。陷沂濮掠宋汴。

巢方攻亳州未下。尚讓帥仙芝餘眾歸之。推巢號衝天

大將軍。

收元王霸

署官屬。攻陷沂濮掠宋汴。

尋又陷虔吉饒信等州。

今廣信府是唐置虔州吉州饒州注俱見前。

夏四月以李國昌為大同節度使。國昌不奉詔。

國昌謬記公忠旋抗朝命奸雄情狀固然然爾時謀國者始憑國昌之奏而後敢除防禦支慮克用之拒而即以節度昇國昌懼怯無圭早已為所輕量安得不釀成跋扈邪

朝廷以克用據雲中以李國昌為大同節度使以為克用必無以拒也。國昌欲父子并據兩鎮得制書毀之殺

監軍與克用合兵進擊寧武。

軍名今寧武府是。

及岢嵐軍。

今太原府

岢嵐州是。

詔河南貸商稅富人錢穀除官有差。

詔以東都軍儲不足。貸商旅富人錢穀。以供數月之費。仍以空名告身賜之。時連歲旱蝗。寇盜充斥。耕桑半廢。租賦不足。故有是命。

五月。鄭畋。盧攜罷。

鄭畋。盧攜議南詔事。

時南詔遣使請和。

攜欲和親。畋不可。攜怒。

拂衣起。袂袖硯墮地。破之。上聞之。曰。大臣相詬。何以儀型四方。遂皆罷之。

以豆盧瑑。

字希真。河南人。

崔沆。

字內融。鉉之子。

同平章事。

是日宣麻。大風雷雨拔樹。識者知其不終云。

時宰相有好施者。嘗

囊錢自隨。行施者。每出。盡襍盈路。有朝士以書規之。曰。今百姓疲弊。寇盜充斥。相公宜舉賢任能。紀綱庶務。捐不急之費。杜私謁之門。使萬物各得其所。何必如此行小惠乎。



六月以高駢為鎮海節度使。

王仙芝餘黨剽掠浙西。朝廷以高駢先在天平有威名。仙芝黨多鄆人。乃徙駢鎮浙西。

秋七月黃巢寇宣州。入浙東。

注見前。

黃巢寇宣州。觀察使王凝

字成庶。胡曾孫。

拒之。巢攻城不克。乃

引兵入浙東。開山路七百里。攻剽福建諸州。

冬十月河東昭義合兵討沙陀。大敗。昭義節度使李鈞

業之

子。戰死。

十二月曹師雄寇掠二浙。

王仙芝餘黨曹師雄寇掠二浙。杭州募兵。使石鏡

鎮名。在臨安縣南。

後改山為衣錦山。都將董昌

臨安人。

等將以討之。臨安



人錢鏐字具美以驍勇事昌為兵馬使錢鏐事始此



